第二册 第二三學期 學年

影真团

共 目次 和 第第第十九八 第七 第六 第五 第四 第三 國所歷史改受失 黄巢 唐明皇 郭子儀 隋煬帝 南北朝 淝水之戰 五胡分晉 三國 班超 第 目次 高等小學教員用(秋季) 授課時數

版 館 排 印 務 商 o so so o ii) 111 Mi 水 沉湎 正訂 虚 ij 小高 學等 址 厕 修 411 4) 圖 獅 藩 拟 省 Ю 2]]] 科 索書號碼 11 17 477202 差記號碼 艄 四別每別定價二角 P America. i_{j}^{1} , 1// 5 册)[] 法 發 之門亦 教 -[]] 见 案。凡 刋 $\widetilde{\mathcal{W}}$ Ti. 之 載 角分 志 非 科 氣 至(425)

第十四 逐朱之母

第十五 范仲淹

第十六 王安石

第十七 宋之南渡

朱子 岳雅

文天祥

時間分配方法附

或竟不分段落視各篇內容而定) 教授第二段并復習全篇(丙)不分段落第一時教授第二時復習其每篇段(乙)每篇分二段第一段較多第二段較少第一時教授第一段第二時 教授三時以上者以此類推、 每篇教授二時者其分配方法可分三種(甲)每篇平分二段每時教授一 (如三時者可分二三段四時者可分三四段)

教共 科和 書國 新歷史教授法第一

東漢之與

思漢漢宗室劉秀起兵誅莽平定羣盜遂卽 帝位都於洛陽(在河南)是爲東漢光武帝 光武卒子明帝卽位時國內承不帝請求 武帝之後數傳而爲王莽所篡人心

辟

觀聽者億萬人禁衞之士悉令通孝經匈奴 雍正坐自講諸儒執經問難於前圜橋門而文事興起古禮廣建學校召集儒生親臨辟

圈

殺為道帝遣人往其地求經得經本佛像及沙門而歸 於此時傳入中國佛天竺(卽今印度)人生於春秋之世與孔子同時以慈悲戒 亦遣子入學文化之盛可以見矣. 佛教亦

共和國沂歷已次受去

雅

- 以節觀者計四門門各有橋 寫辟雍圖三字於黑版指 書中之圖而告之曰中爲大學水圓如璧周繞之、
- 因書辟雍二字於黑版指示之學校子、學校日大學校然則汝曹聞古代之大學校子、 問汝曹現爲小學學生畢業後當入何等學校日中學校再畢業當入何等

今將爲汝曹縷述之 現在我國學生以遊學外國爲樂幸亦知古代外族以遊學中國爲榮幸乎

教授事項

- 爭 内 ・時間 ・ ・ 間分配・ 本課以一時授完
- \mathcal{Z}
- 故現在民國範圍內之人當益相親密共促進其文明、 於明帝學校之盛匈奴之遣子入學見北方種族對於中國早有同化端倪、
- 於佛教之慈悲戒殺見其教之非無益於人世不得以近世僧德之墮落疑

其立教之未善

[王莽]漢之大司馬漢自平帝(武帝六世孫名衎)以幼齡卽位政由莽出平帝 時年二歲至五歲爲莽所廢) 旋卒(九歲立十四歲卒)立宗室子嬰爲太子是爲孺子嬰 帝以括民財更田制及幣制政令紛苛為民所怨於是人復思漢、 莽代攝位稱假皇帝未幾卽眞爲新(朝名)皇 (武帝七世孫立

平定羣盜〕時諸賊蜂起銅馬鐵脛靑犢大槍之屬衆各數十百萬人所在寇掠、 |劉秀] 漢高祖九世孫蔡陽(今湖北棗陽縣西南) 人也王莽爲帝之十五年秀 朱其眉以相識別) 秀前後擊降之赤眉 與其兄縯起兵翌年大破莽兵於昆陽(今河南葉縣)莽旋爲商人杜吳所殺 尤盛由今之山東起轉掠至今之陝西爲秀將馮異所攻 (其首領爲樊崇起兵後衆寖盛恐其衆與莽兵亂乃皆

東漢光武帝]即劉秀起兵後之四年即帝位於鄗 (今直隸高邑縣)旋都洛陽

後漢光武在位三十三年傳十二帝一百九十六年、 (今河南洛陽縣) 洛陽在漢舊都長安之東故史家謂光武以後曰東漢亦曰

明帝] 名莊在位十八年

[興起古禮]如明堂(古天子祀神發政之所)如靈臺、 古代禮制帝皆履行之 近世之天文臺) 如大射(古者射以觀德)如養老(古以養老教孝教弟)皆 (周代舊制以望雲物如

廣建學校一除下文辟雍外又立學於南宮教外戚子弟、

[親臨辟雍] 辟明也雍和也取開明和會之意以名學校本古代天子之學制明 帝親臨之引桓榮(東漢名儒)及弟子升堂自爲下說(下語而諧說也)

[圜橋門] 圜繞也橋門見圖解觀者在橋外故曰圜橋門數多不計故渾稱億萬、

[禁衞之士] 護衞宮禁之兵士也

[孝經]孔子所述作我國古代為家族政治故以家庭倫理為普及教育之具、

[佛] 佛教主釋迦牟尼本印度迦毗羅國王子生於民國紀元前二千四百六十

子生二十一年(孔子以紀元前二千四百四十六年生) 七年、卽周靈王十六年,歿於紀元前二千三百八十七年,卽周元王元年先孔

[慈悲戒殺] 印度故有婆羅門教分人爲四等階級綦嚴規制慘酷釋迦乃倡爲 平等之旨大慈大悲以弭殺叔、

[求經]帝遣使天竺問佛道法

入中國之始至明帝時蔡愔自天竺還得釋迦之佛像於是流傳寖盛漸有奉[佛像]漢武帝遺電去病討匈奴得休屠王祭天金人列於甘泉宮或以爲佛像

[佛經] 漢哀帝(武帝六世孫) 時秦景憲使月氏受口授之佛經以歸是爲中國 白馬寺於洛陽使迦葉摩騰竺法蘭譯經於其中、 人知有佛經之始及明帝時、蔡愔又得佛經四十二章歸時以白馬覔之因立

.沙門] 精佛教者爲沙門漢言息也蓋息意去欲而歸於無爲也一作桑門、

第二 班超

第二册

威信著聞諸國英不向化、 後四域又亂復命班超往平之遂以超爲四域都護封定遠侯在四域三十一年、 以匈奴使者之首示鄯善王一國震怖於是西域諸國皆請降於漢遺子入侍、十六人曰不入虎穴不得虎子率吏士夜攻匈奴營斬其使及其從者三十餘人 莠(在今新疆)適匈奴使者亦至鄯善王恃匈奴待超禮意疏源超會其吏士三 西域不服多叛去復與匈奴連合、 口域自武 帝以來風漢者三十六國漢置四域都護統領之及王莽篡漢 漢明帝遣將伐匈奴使班超安撫西域至鄯

- 曹言束漢時之匈奴及屈服匈奴之人、 問漢時與中國爲敵者何國答匈奴屈服匈奴者何人答武帝然則吾爲汝
- **酱立功四域之人** 問漢時通匹域者何人答張騫然則吾爲汝曹言東漢時之四域及接續張

教授事項

甲

2

- 古新疆完全爲中國領土不當損寸土於人以慰我先民 匈奴今蒙古西域今新疆我東漢先民糜無數心力兵力經而營之現在蒙內容提示 本課以一時授完
- 對症之藥石語汝曹當志之當師之勿使班超專美於東漢不入虎穴不得虎子是冒險家語是愛國男兒語是我中國國民轉弱為強

参考

[三]十六國}群見十五課參考內四域諸國條

[西域都護] 漢宣帝時鄭吉擊破平師降日逐王(匈奴之王號居西邊) 威振西 域帝遂命吉護車師以西諸國故號西域都護都護之置自此始

[王莽時之西域及匈奴] 莽欲立威匈奴更名匈奴單于曰降奴服于集兵邊境 邊境騷然、 剋期北伐單于大怒連歲入塞寇掠不可勝記一二年間西域亦皆叛附匈奴

(秋季)

[明帝遣將伐匈奴]帝遣竇固與祭彤等出塞擊匈奴大破之於天山取伊吾盧 地(今新疆哈密廳)

班超〕扶風平陵(今陝西咸陽縣凹北)人爲人有志不修細節然內孝謹居常 域建大功 執動苦不恥勞辱有口辯而涉獵書傳從竇固擊匈奴多斬首廢後以出使西

令十人持鼓藏房舍後約曰見火然皆當鳴鼓大呼餘人悉持兵弩來門而伏[率吏士夜攻匈奴營]超決火攻策夜將吏士往奔虜(指匈奴)營會天大風超[鄯善]在今新疆鄯善縣南羅布泊附近故址爲流沙所埋沒 超乃順風縱火前後鼓噪虜衆驚亂超手格殺數人、

(平西域亂)超凡五定疏勒又定烏孫月氏焉耆等國西域五十餘國悉皆納貢

心封爲定遠侯取平定遠方之義也[定遠侯]和帝(明帝之孫)時以超不動中國不煩戎士得遠夷之和同異俗之

三國

南國號吳與蜀漢連和亦屢攻魏然三國勢均力敵莫能相勝及諸葛亮卒蜀爲 魏所滅司馬氏篡魏國號晉旋平吳一統中國、 七擒以服其心北伐中原凡六出師魏使大將司馬懿拒之、 相孫權奪荆州、殺關羽備復仇又爲權所敗備卒諸葛亮輔幼主南征孟獲七縱 劉備孫權三人所分有、 十萬權命周瑜劉備合兵大破之於赤壁(在湖北)曹操死其子丕篡漢自立國劉備孫權三人所分有,曹操據中原為漢丞相勢最強大以兵伐孫權號稱八劉備孫權三人所分有,曹操據中原為漢丞相勢最強大以兵伐孫權號稱八 劉備者漢之宗室據四川亦稱帝是為蜀漢以關羽張飛爲將諸葛亮爲 東漢之季宦官執權國內擾亂羣雄幷起互相吞併中國之地遂爲曹操 時孫權稱帝於江

所致也、 中赤壁為周瑜火攻曹軍之所至今其土純為赤色但赤係土之本色非火攻曹三國疆域圖講如下〔三國疆域圖解〕北為魏西為蜀漢東及南爲吳就

及共 計和

閽 務 印 書 館 則 行


以統 疆土何以故答 收服外族開拓 中國有餘力以 問兩漢盛時 一故春秋 = 國

所受兵禍至爲 戰國中國人民 域

慘酷何以故答 不統一故然 圖

統一之禍當爲 則東漢晩年不

教授事項 汝曹言之、



第一時 東漢之季至國號魏 更

時間分配

本課分二時、

劉備者至 一統中國

內容提示

中國人民以不統一爲最苦觀於三國之互相吞倂當知中華民國統一之

幸福凡為國民務相團結使永無分裂之虞、

曹劉孫三人 一凡爲國民當使帝王思想不再萌芽於民國、 均以帝王爲目的故自取分裂民國則以國民爲前提故鞏固

我輩國民皆當自養其才以供國用、 孫權有周瑜 劉備有諸葛亮關羽張飛用能建立功業故人才爲立國之本、

除肉刑然宮刑仍未免故宦官甚多歷代相沿至民國始完全革去以尊人道、[東漢之季之宦官]我國古代有宮刑因以刑餘之人司宮禁雖有漢文帝之廢

東漢時鄭衆以宦官封侯權勢漸盛自單超等助桓帝、 (權臣)天下大權悉歸宦者於是國事日非 (明帝玄孫) **斃梁氏**、

[羣雄幷起] 東漢至獻帝 (明帝六世孫) 時為董卓所逼遷都長安關東州郡務 相棄并以自強大公孫度據遼東公孫瓚據直隸一帶袁紹據直隸以西紹弟 術據安徽河南間其餘大小以數十計而曹孫劉三雄亦崛與於此時

[曹操] 沛國譙(今安徽亳縣)人關東吳起佔有山東迎獻帝都於許 (今河南 許州)遂攬大權漸次削平羣雄、

[劉備]涿郡(今直隸涿州)人初依公孫瓚爲平原(今山東平原縣)相旋爲徐 州牧其後據下邳(今江蘇邳縣)為曹操所敗走依劉表表卒後與孫權合兵 拒曹操始得荆州(今兩湖境)為根據地

[孫權] 吳郡富春 (今浙江富陽縣) 人父堅起兵討卓兄策轉戰江東所向皆破 策死權代領其衆

[為漢丞相] 操以靈帝十二年自爲丞相挾天子以令天下

[曹丕] 操之子嗣操爲漢丞相未及一年廢獻帝而代有其位是爲魏文帝因追 [赤壁之役] 操兵東下遺書於權將與會獵於吳權以示羣下莫不失色會諸葛 諡其父爲武帝、丕在位凡七年、 縱火焚之燒盡北船延及岸上營落操軍死者大牛引軍北還與操遇於赤壁(山名在今湖北嘉魚縣西北)操軍方連船艦乃乘東南風急、奏案謂諸將更敢言當迎操者與此案同乃以周瑜爲都督與備並力拒操進 亮以劉備命見權於柴桑(在今江西德化縣)力言擊操之利權因拔刀斫前

[備爲漢之宗室] 備爲景帝子中山靖王之後

徽及湖北之北部、

境包有今河南、

[魏]操時已自称魏王丕爲帝時因以爲國號建都洛陽(今河南洛陽縣)其全

山西山東直隸陝西及甘肅新疆奉天朝鮮等境並有江蘇安

[據四川] 時益州(今陝西南部及四川全境) 牧劉璋亦漢之宗室民殷國富而 璋闇弱不能有爲會曹操遣將向漢中(今陝西南鄭縣)璋懼遣人迎備備自

引兵派流 入蜀進圍成都(今四川省城) 璄震怖出降

[稱帝]備取四川後又得漢中自立爲漢中王岡曹丕爲魏帝、 叉稱爲先主在位三年其全境當今四川及雲實陝甘等境 以爲漢裔因仍號漢史家以其地區別之爲蜀漢或簡稱蜀備本諡昭烈帝史 亦即帝位於成 都、

[關羽張飛] 羽河東解 (今山四解州) 人飛涿郡人備與二人變則同床恩若兄 第二人爲備禦侮不避艱險、

【諸葛亮】 瑯邪陽都(今山東沂水縣南)人也寓居隆中 分之策備爲常、以亮爲丞相、 縣西)每自比管仲樂毅(戰國時燕之名將)備親詣亮凡三往乃見因定三語葛亮] 琊邪陽都(今山東沂水縣南)人也寓居隆中(山名在今湖北襄陽

備不允會備單操將攻漢中因求和於權分荆州以湘水爲界其後關羽出兵[荆州交涉] 先是孫權以荆州借劉備以共拒曹操及備取四川權因索還荆州、 今湖北江陵縣)羽走還權邀斬之荆州遂全爲權有 戰勝操將曹仁龐德等威靂華夏操遣人勸權躡其後權使呂蒙襲取江陵、

【復仇之舉】備恥關羽之沒自率諸軍東下權遣使求和不許權遣陸遜督諸軍 還未幾卒 拒守又遣使降魏以防北釁備進軍猇亭(今湖北宜都縣四)為陸遜所敗走

[亮輔幼主]幼主名禪史稱後主備長子備臨卒時以禪屬亮又敕禪與丞相 事事之如父亮亦矢效忠貞之節繼之以死 共

拒亮亮募生致之既得使觀於營陳間獲日向者不知虛實故敗今祗如此卽【南征孟獲】後主立之三年亮南征叛帥雍闓斬之孟獲素爲夷漢所服收餘衆 反矣於是悉收南中俊傑如獲等以爲官屬終獨漢之世無南顧憂、 易勝耳乃縱使更戰七縱七擒而亮猶遣獲獲止不去曰公天威也南人不 復

北伐中原〕 克凡兩上出師表中叨漢魏不兩立原由更自表志願言鞠躬盡瘁、 數挑司馬懿戰懿不敢出死而後已至第六次出師時因屯兵五丈原(今陝西郿縣西南)爲久住計亮

司馬懿]河內温縣(今河南温縣西南) 人為魏大將軍後自爲丞相

[吳] 先是孫權受魏封爲吳王後卽帝位因以爲國號權爲吳大帝在位三十一 年其全境當今兩湖江西江蘇安徽浙江福建兩廣及安南等境、

[與蜀漢連和]自昭烈敗後即與權通和治權稱帝使使告蜀丞相亮以犄角之 **接遣使賀吳權與盟約中分天下**

[蜀爲魏所滅]後主立之三十九年魏遣鄧艾鍾會將兵攻蜀鄧艾至成都吳人 來援不及後主出降

魏爲司馬氏所篡〕司馬氏自懿爲丞相後子師昭繼之昭子炎因受魏禪國號 晉是爲晉武帝、

.平吳]晉武帝太康元年將軍王濬以舟師入石頭(在今江蘇江寧縣)吳主皓 (權之孫)出降於是中國始統一

第四 五胡分晉

水文 洛陽大封子弟使擁強兵鎮四方武帝卒諸子爭權互相攻殺國內大亂五胡因 晉武帝者司馬懿之孫也其父昭專魏國之政滅蜀漢武帝篡魏滅吳都

之五胡之亂、 繼之遺兵攻晉先後虜懷帝愍帝而去、 其部長自以本爲漢外孫因姓劉氏迨晉室內亂部長劉淵稱帝國號漢其子聰 氏氐族苻氏羌族姚氏相繼稱帝此外立國者尙多分據中原爭戰無已時世謂 之起, 匈奴自漢光武帝時分南北二國南匈奴歸附於漢漢之季世雜居 劉聰之後則有羯族石氏鮮卑族慕容 内地

準備

- 汝曹之對於兄弟姊妹 問汝曹有無兄弟姊妹答有或無此兄弟姊妹者非皆汝父母所生乎答然、 不當和好乎答然
- 將乘之以入乎答然。倘若兄弟不和姊妹不和、 一家安乎答否一家不安外來之仇敵之盜賊不
- Ξ 曹言晉室之仇敵之盜賊之狀況(隨書五胡分晉四字於黑板) 然則吾爲汝曹言晉室兄弟之狀況(隨書諸子爭權四字於黑板)且爲汝

教授事項

國斤香已女是長

第二加

時間分配 本課分二時、

第一時 晉武帝者至先後廣懷帝愍帝而去

第二時 劉聰之後至世謂之五胡之亂

2 内容提示・

一致之進行、 內爭不絕則外侮乘之觀於五胡之事當知我民國五族之宜相和好爲對

之鷊當知民國寸土皆國民之寶宜力保勿失以中國內地供異族殖民寶爲亂本觀於南匈奴雜居漢土遂階後世 亂晉

子弟。當知私爲公敵吾曹宜以份公爲立國基本、 五胡割據爭戰無已爾時我國同胞之苦可知其根源則發於晉武之私其

参考

[晉] 晉自司馬昭始稱晉公繼爲晉王武帝因以爲國號武帝在位二十五年傳 十四帝,共二百五十六年、

[武帝大封子弟三句]帝懲魏氏孤立之弊大封宗室爲王定國兵之制大國三 州軍事 軍兵五千人次國二軍兵三千人小國一軍兵千五百人又遣諸王假節督諸

【諸子爭權二句】武帝卒子惠帝衷立騃劣殊甚舅楊駿專權惠帝后買氏殺之 賈后(瑋承后命殺亮后因以專殺誅之)賈后弑惠帝母楊太后又殺太子、而使汝南王亮(武帝叔父)輔政亮旋為楚王瑋(武帝子)所殺瑱又見殺於 兵奉惠帝逐二王而代之前後十八年諸王亂者凡八史邵八王之亂 冏而代之成都王與河間王復合兵破义而代之東海王越(武帝從叔)又起 復位冏以功爲大司馬輔政驕奢擅權中外失望長沙王乂(武帝子)舉兵殺 (武帝第三子) 說河間王顋(武帝從弟) 成都王穎(武帝子) 共誅倫迎惠帝 (以非己出)於是趙王倫(武帝子)舉兵廢賈后殺之黜惠帝自稱帝齊王冏

國斤系已文受失

氐五曰羌均西藏族

[五胡]一曰匈奴二曰羯羯匈奴別種也均土耳其族三曰鮮卑爲東胡族四曰

[漢光武後之匈奴]光武建武二十四年。匈奴南邊八部立日逐王比爲南單丁、 留漢自立屬董卓之亂寇掠太原(今山西太原縣)河東(今山西永濟縣)屯 單于羌渠使子於扶羅將兵助漢討黃巾會羌渠為種人所殺於扶羅以其衆 於河內(今河南河內縣) 於是分爲南北匈奴南匈奴入居頉河美稷(在今鄂爾多斯左翼中旗)漢末、

[劉姓原由] 初漢高祖以宗女爲公主以妻冒頓約爲兄弟故其子孫遂冒姓劉

[劉淵] 南單于於扶羅之孫父豹爲左賢王曹操時分匈奴衆爲五部 爲匈奴種族所擴惡帝時淵拜五部大都督勢益熾會晉室內亂其黨推淵爲部帥晉初匈奴餘衆乞歸化者以十萬數武帝皆居之塞內於是山西之地半 大單于據左國城(在今山西永寧縣東北)國號漢以其祖故與漢姆也至劉 以豹爲 左

、懷帝愍帝] 懷帝名熾武帝第二十五子在位五年愍帝名業武帝之孫在位 四

年

[劉聰] 淵第四子淵卒太子和立聰弑而代之遺劉曜石勒等攻晉都執懷帝、 希從子秦王業得報即位長安稱愍帝爲劉曜所攻出降、 懷

[羌族姚氏] 姚氏世爲羌曾至姚弋仲時有衆數萬自稱扶風公旋仕石氏石氏 [氐族苻氏] 苻氏初姓蒲至苻洪以讖文有草付應王因改姓苻初仕石氏後降 .鮮卑族慕容氏] 先是魏時有莫護跋者自塞外入居邃西稱慕容部四傳至慕 [羯族石氏] 石氏起自石勒劉聰死國亂劉曜本淵族子自立於長安改國號 容處併諸部勢頓強自稱鮮卑大單于子號嗣稱燕王至子儁称帝是爲前燕、 滅降晉拜六夷大都督子襄爲前秦所敗其弟萇因仕前秦乘前奏之敗併有 晉晉以爲征北大將軍未幾自稱三秦王至子健入據長安稱帝是爲前秦、 趙石勒亦自立於襄國(今直隸邢臺縣)稱趙天王史稱曜為前趙勒為後趙

此外立國者尙多一除前趙後趙前燕前秦後秦外、匈奴族則有北涼大夏二國、

和國新歷史牧受去

關中稱帝是爲後秦

第二册

涼北燕三國、共十有六國、 鮮卑族則有後燕南燕南涼三國氏族則有成漢後涼二國漢族則有前涼西

分據中原)晉自五胡亂起中原之地若黃河流域及淮河流域之北部,常爲羣 雄之大角逐場

第五 淝水之戰

本文 川,其走者聞風聲鶴唳皆以爲晉兵且至晝夜不敢息重以飢凍死者什七八堅 中流矢走還北方復大亂分裂爲數國、 勝以安人心既而晉兵大敗霧師於淝水雖本安慰秦兵自相踏藉死者蔽野塞 入寇晉發兵八萬拒之,當是時都下震恐宰相謝安與親朋出游山墅圍棋賭有北方之地遂欲統一中國大起國內之師步卒六十餘萬騎二十七萬分數道 東晉元帝領有南方之地、 當中原擾攘之際,晉宗室瑯琊王出鎭江南因即帝位於建康,闡 、五胡之中氐族苻堅爲最強盛國號秦翦滅諸邦全

聯加下[東晉疆域圖於黑板隨 井戶色者東晉所轄之地域 中白色者東晉所轄之地域 其作黑紋者則五胡交戰及 其作黑紋者則五胡交戰及 其作黑紋者則五胡交戰及 大河淝水在其西南流入於 水出河南桐柏山為江以北水沿源水在其西南流入於

A THE STATE OF THE

侵佔之汝曹許之乎答否、 國者我中國人之中國也我中國人公共之衣食基本也有人於此欲以兵力 問有人於此攫汝曹之衣而衣之奪汝曹之食而食之汝曹許之乎答否中

供和國 沂歷史教受法

第二冊

1

因書淝水之戰四大字於黑板) 不許他人侵佔國土將徒手以爭之乎答否必以兵力然則汝曹試靜聽(試觀此保衞國土之大戰爭、

教授事項

更 時間分配・ 本課分二時、

第一時 當中原擾攘之際至發兵八萬拒之

第二時 當是時至分裂爲數國

2 內容提示·

於苻堅入寇聲勢之鉅非晉人極力抵禦國且不保見凡遇強盛之敵人如

國民同心奮鬭必能轉危爲安化亡爲存

民當以國際之知識。尚武之精神整備於先時、於當時之都下震恐見一時人士平時無預備之策以致臨事驚惶我輩國

徒學鎭靜所能了 於謝安之出遊山墅以安人心當學其鎭靜但軍事須以實力爲解決決非 事故我儕尤當知當時晉兵預備之實力、

參考

[瑯琊王] 名睿司馬懿之曾孫其祖父仙於武帝時受封爲瑯琊 (今山東蘭山

縣北)王父覲嗣覲卒睿襲封

[出鎭江南]睿於懷帝時爲安東將軍都督揚州諸軍事鎭建業 (今江蘇江寧

即位建康)睿於愍帝時爲丞相愍帝爲劉聰所執因卽晉王位於建康、 即建業以避愍帝諱改)旋即皇帝位、 (建康

[東晉元帝] 睿在位六年諡元帝史家以其偏安江南因號其時代爲東晉而以 其前爲四晉、

[苻堅]前秦苻健弟雄之子健卒子生立殘虐堅殺而代之任王猛爲政國以富

[翦滅諸邦] 堅遣王猛滅前燕倂關中河南河北山東地叉南略巴蜀西取前涼、 命呂光徇西域諸國別發兵山西奪東胡拓跋氏之地定有中國之七八東自

國所歷史牧受岩

高句麗新羅西至龜茲于寘塞外諸國之來朝者凡六十餘國、

[起師入寇] 堅欲吞倂江南屢發兵擾江淮間時王猛已卒堅議大舉或謂晉有 長江之險堅曰以吾之衆投鞭於江足斷共流遂東下、

盛諸將敗退相繼安遣弟石及兄子玄等應機征討展有功及堅大舉東來安謝安〕陽夏(今河南太康縣)人少有重名隱居東山年四十餘始出會苻堅強 各當任、 為征討大都督玄入問計安夷然無懼色旣假圍棋以安衆心因指授將帥、

淝水)今安徽壽縣東北時秦兵逼淝水而陣謝玄等渡水擊之旣已破堅驛書 破廣既罷還內心喜甚不覺展齒之折、 達安所安方對客圍棋看書旣竟了無喜色棋如故客問之徐云小兒輩遂已

[唳]鶴鳴也、

[北方分裂] 苻堅盛時鮮卑西羌多仕其朝及其敗皆背之各據一方鮮卑族之 流失)矢如流星之猝射不知發者之主名即發者亦不自知其目的謂之流失

族李暠所建 所建其北有後涼為氐族呂光所建北涼則匈奴族沮渠蒙遜所建西涼則漢 隴西河西之地若西秦則鮮卑乞伏乾歸所建其西有南涼則鮮卑禿髮鳥孤 西臨汾縣西南)進據長安是為西燕羌族之姚萇則據關中是為後秦其他 慕容垂據中山、 (今直隸定州) 徇河北地是為後燕慕容冲起兵平陽 (令山

第六 南北朝

幾侯景作亂帶被困餓死,苦勇樸之風梁武帝時江南太平無事帝崇信佛法捨身寺中為奴佛教大盛未苦勇樸之風梁武帝時江南太平無事帝崇信佛法捨身寺中為奴佛教大盛未 禁國人用胡語胡服令與漢族通婚然其弊也人皆習於奢華文弱失其舊來耐 魏北周皆鮮卑族北齊為漢族而同化於鮮卑是為北朝 南北朝之君其著名北方者為後魏後分東西東魏為北齊所篡西魏為北周所篡北周又滅北齊後文 東晉之後據有南方之地者為宋齊梁陳四朝皆漢族也是為南朝統一 者爲魏孝文帝梁武帝魏孝文帝好儒術欲以漢族之文化變其國俗定都洛陽

第二册

十四

小學教員用(秋季)

海

海

於北朝故所聲黑紋較 長江以北 南朝、梁元帝以後、改圆 他處爲疏以示別也、 今四川一帶之地先圆 者爲北朝所轄地域其 朝所轄地域其作黑紋 圖中白色者爲南 南 山脈以南即 越 噩 īfi

Charlante alle and

之南北朝汝曹知之乎 問東晉之時中國人民樂乎答否何以不樂答以不統一故然則更有不統

故然則南北朝之不統一、遂生種族之見,互相攻伐人民受其殘害、汝曹知之故然則南北朝之不統一、遂生種族之見,互相攻伐人民受其殘害、汝曹知之 問現在中華民國國民所有種族、 律平等因何而有此效力答因統

教授事項

甲) 時間分配 本課分二時

東晉之後至是爲北朝

南北朝之君至帝被困餓死

內容提示·

於北齊以漢族同化於鮮卑魏文以鮮卑同化於漢族見其時彼此本無種用故我輩幸生共和時代享統一之幸福當永絕分裂之萌芽 南北皆中國國土南北人民皆中國國民紛紛擾擾祗供專制朝廷角逐之

厥之見存徒以不統一之故致令南北相持兩方人民俱受其害

於漢族之文化鮮卑之耐苦勇樸見兩族各有優點當各用所長以強國本、

大块 断歷史致受法

高等小學教員用(秋季)

十五

身為重梁武之行為固佛所不許也 於梁武之捨身見迷信之誤國凡眞能信教者必以國利民福爲心豈以舍

參考

[宋] 武帝劉裕彭城(今江蘇銅山縣)人漢宗室楚元王交之後東晉安帝時、 在位三年、 昌縣)公滅南燕後秦武功甚盛旋弑安帝立恭帝又廢之而自稱帝國號宋、玄稱帝裔起兵京口(今江蘇丹徒縣)討玄有功受封爲豫章郡(今江西南 桓

〔齊〕高帝蕭道成漢丞相蕭何之後宋明帝(武帝孫) 時鎮守淮陰、 殺道成弑之而立其弟順帝旋迫順帝禪位國號齊在位四年、 河縣東南) 收養豪傑明帝臨崩與褚淵等並受顧命輔子昱卽位昱凶狂嗜 (今江蘇清

(高帝兄孫) 時曾以鎭亂有功為東昏侯所殺衍時以雍州(今湖北襄陽縣)[梁]武帝蕭衍本齊疏族南蘭陵(今江蘇武進縣西北) 人其兄懿在齊東昏侯 刺史鎭甕陽奉東昏侯弟和帝寶融即位江陵(今湖北江陵縣) 舉兵入建康、

[陳]武帝陳霸先吳興(今浙江吳興縣) 人梁元帝(武帝子) 為後魏所殺霸先 齊人殺東昏侯以迎之、衍旋受和帝禪國號梁在位四十八年、

立其子方智爲和帝旣而霸先篡其位國號陳在位三年、

[後魏] 道武帝拓跋(亦作托跋) 珪本鮮卑之索頭部世居漠北後乃漸徙而南、 於塞外旋內亂為苻堅所乘擊定其地及堅亡珪糾合故衆據盛樂(今山西 其先世曾受晉封爲大單于。在有今直隸山西之北境後又大拓疆土張威勢 歸綏縣黑河之南) 國號魏在位二十三年

[西魏]魏至孝武帝(道武八世孫) 時為丞相高歡所制謀伐之歡先擁兵入洛 陽帶西奔依關西都督宇文泰已而爲泰所弑立其從弟寶炬是爲文帝都長 安在位七年史稱西魏

[東魏] 四魏文帝被立時宇文泰泰之以征高歡歡立淸河王善見 (孝文帝曾

孫)以抗之是爲孝靜帝在位十七年史稱東魏

.北齊]文宣帝高洋高歡之次子、歡卒長子澄嗣爲東魏大丞相洋繼之旋受禪

共和國所系已发发失

第二册

國號齊史稱北齊在位十年、

[北周] 孝閔帝宇文覺宇文泰之子四魏恭帝(文帝子) 時嗣泰爲大冢宰旋受 禪國號周史稱北周在位未踰年

[北周爲鮮卑族] 北周先世居朔野有葛烏荛者雄武多算略鮮卑奉以爲主遂 總十二部落卽宇文泰之遠祖也、

[北齊同化於鮮卑] 高歡本渤海蓚縣(今直隸景州) 人六世祖隱曾爲晉玄菟

(今朝鮮咸鏡道境) 太守後世仕慕容氏又仕魏累世北邊故習其俗遂同鮮

縣城東北隅)羣臣以錢億萬贖之三請而後許[梁武帝之崇信佛法]帝喜佛法尙慈悲凡三次捨身同泰寺(在今江蘇江寧 [魏孝文帝] 道武六世孫名宏惡其國俗陋鄙思有以革之於是朝廷儀式,一模 華風改其舊姓拓跋爲元氏諸功臣舊族自北土來者亦改從漢姓又使宗室 與中國名族結婚以獎勵臣民與漢人雜婚餘見本文帝在位二十九年、

[侯景之亂]景故仕東魏爲河南軍事都督與丞相高澄有隙以河南地十三州、 即在其中)飲膳亦被裁損口苦索蜜不得呼荷荷而卒、降梁武帝已而叛梁襲建康攻陷臺城(其遺址在今江寧縣東北隅同泰寺

) 隋煬帝

強為魏晉以來所未有、 姓死於工役飢荒者無算加以頻歲興師國內途大亂羣雄四起帝爲其下所殺、 西域諸國亦先後朝貢惟高麗不至帝率兵伐之不克再起師高麗懼遣使乞降、強為魏晉以來所未有。 煬帝南破林邑 蟒岭西收青海東略琉球岭 #突厥及 帝建長城於西北邊大開運河廣築園林宮殿帝乘龍舟游宴於江都、 隋文帝篡北周之位又滅陳統一南北都於長安其子煬帝嗣之國勢富 蘇在江百

懸中國興圖一幅籍便指示

問汝曹所閱之東晉疆域圖及南北朝疆域圖共分幾色答二色一爲白色、

極行孫已文受よ

三 同一中國何以欲分二色答以當時不統一故

四

教授事項

(甲) 時間分配 本課分二時、

第一時 隋文帝篡北周之位至遣使乞降

第二時 帝建長城於四北邊至帝爲其下所殺

(乙) 內容提示

弟斷不可爲閱牆之爭、 於隋文帝之統一南北煬帝嗣之國以富強足見統一爲富強根本同胞兄

人所有,國民當引為身恥, 於琉球林邑高麗三國之內屬見內患既平則外侮自去現此三國已爲他

於煬帝之大開運河及其龍舟游宴雖爲同 一勞民然運河則有便民生游

宴則徒逞已樂公私之間功罪判焉不可不知也、

參考

坚爲大司馬宣帝傳位於太子是爲靜帝未幾宣帝卒堅自爲大丞相進爵隋(孝閔弟)納其女爲太子妃漸握政柄武帝卒太子立是爲宣帝以堅女爲后、[隋文帝]楊堅弘農(今河南靈寶縣南)人也仕北周襲父爵爲隋國公武帝

舉伐陳後主不以爲意曰王氣在此彼何爲者無何建康破俘後主以歸於是[減陳]陳自武帝後四傳至後主叔寶荒淫驕侈民心離貳隋文帝暴其罪惡大王旋受禪國號隋在位二十四年、 中國始統一、

[都於長安] 因北周故都、

[煬帝] 名廣文帝次子其兄勇故立爲太子廣得母后愛又外結楊素日夜言勇 之短,勇遂被廢廣代之及文帝病篤、知廣不足付國欲召勇廣遂弒文帝而自 立在位十四年、

和國斤香已文受去

第二册

高等小學教員用、秋季

[國勢富強] 文帝統一天下輕減賦稅愛養百姓戶口滋殖天下太平煬帝席其 餘力益揚軍威故富強為魏晉以來所未有

南破林邑)林邑在安南南部隋時置爲郡先是羣臣言林邑多珍寶煬帝乃命 都刻石紀功而還、 劉方經略之其國王遺兵守險兵乘巨象四面而至方先後破之窮追至其國

.西收青海]青海以大湖得名西晉末慕容廆庶兄吐谷渾建國其地因號其國 爲吐谷渾煬帝使楊雄宇文述擊破之卽其地置四部

東略琉球] 今爲日本之沖繩縣煬帝時遣朱寬招撫之不至乃命陳稜發兵汎 海擊之斬其王廣其民而還一說隋之琉珠質爲今之臺灣、

[突厥] 突厥之先本平涼雞胡梁時始強所佔地在今內外蒙古煬帝時突厥啓 民可汗入朝見漢人文物大慕之詩襲冠帶、

[西域] 西域自魏晉而後互相呑滅沿革莫詳煬帝時以西域諸胡商多至張掖 (今甘肅武威縣南) 交市使裴矩掌之。唱之以利勸令入朝厚賞資之以示中

國豐饒於是西域諸國相率來朝者四十餘國、

[高麗] 本名高句驪地在今朝鮮北部及奉天南境隋文帝時册封其王元爲王、 煬帝嗣位徵元入朝不至後兩出師高麗困弊始請降

[長城]長城自秦而後若漢若北齊若北周若隋文帝均有興修煬帝時又發丁 (在今甘肅貴德廳) 以東 男百餘萬築之西距楡林 (在今山西和林格爾縣俗稱烏蘭木倫河)旋又發丁男二十餘萬築至楡谷 (今鄂爾多斯左翼後旗黃河南流處) 東至紫河、

[大開運河] 計四役北至直隸之通州南盡浙江之杭縣世通名之為運河實中 國大工程之一就中煬帝遊宴之江都為今淮揚運河之所經即煬帝所開之

廣築園林宮殿]煬帝自長安至江都(今江蘇江都縣) 置離宮四十餘所又築 高百餘丈臺觀宮殿羅絡山上海北有渠縈注海內緣梁作十六苑窮極華麗、 西苑(在今洛陽縣西) 周二百里其內爲海周十餘里爲方丈蓬萊瀛洲諸山、

[遊宴於江都]龍舟所過州縣五百里內皆令獻食多者一州至百器極水陸珍 [置龍舟] 煬帝所乘龍舟四重高四十五尺長二百尺上重有正殿內殿朝堂、 奇後宮厭飫、將發、棄埋之、 浮景九艘三重皆水殿也餘數千艘後宮諸王公主百官僧尼道士蒂客乘之二重有百二十房皆飾以金玉下重內侍處之皇后乘翔螭舟制度差小別有 共用挽士八萬餘人皆以錦綵為袍衞兵所乘又數于艘舳艫相接二百餘里、 宮樹凋落翦綵爲花葉綴之沼內亦翦綵爲荷芰菱夾色渝則易以新者、

[羣雄四起] 時天下芳役人皆思亂於是李密略取河南諸郡稱魏公竇建德據 梁師都據朔方(今陝西楡林府)共附於突厥又有薛舉據天水、 泰縣)杜伏威據歷陽(今安徽和縣)北則有劉武周據馬邑(今山西朔縣) 陽縣北)稱楚帝蕭銑據江陵稱梁帝江淮之間則李子通據海陵、 河北都樂壽(今直隸獻縣)稱長樂王後為夏王林士弘據鄱陽、 稱秦帝李軌據姑臧(今甘肅涼州府治)稱涼王介立其間李淵亦起於 (今甘肅秦 (今江西鄱 (今江蘇

太原(今山西太原縣)

[帝爲其下所殺] 煬帝時在江都日事荒淫從駕多關中人思歸遂謀叛而帝見 中原已亂無心北歸、欲保江東爲字文化及所殺、

第八 唐太宗

時國內太平人民樂業爲唐室最盛之世、杜如晦爲相輕刑薄稅興學勸農又喜聞善言魏徵等隨事諫爭不以爲忤故其杜如晦爲相輕刑薄稅興學勸農又喜聞善言魏徵等隨事諫爭不以爲忤故其 新羅威名遠震南洋諸國稱中國人為唐人卽因此也。太宗好儒術任房玄齡高宗遂滅西突厥蔥嶺以西之地亦歸於唐又東平百濟敗日本之兵滅高麗服 和親南平天竺之亂於是北至西伯利亞南至南洋諸國莫不入貢至其子 皆強盛太宗先滅東突厥繼定吐谷渾高昌收回蒙古青海新疆之地西與吐蕃 一世民遂繼高祖而卽帝位是爲唐太宗爲漢以後之雄主、 唐高祖代隋爲天子都於長安命其子秦王李世民平定至雄中國復統 人民樂業為唐室最盛之世 突厥分東四二國

準備

給唐疆域圖於黑板講如下、 藍 棋 [唐疆域圖解]如圖由蔥嶺東出之山脈爲阿 展 f.K *** 闡 軍 肠 Eļi il. M FII 行

之間者為吐蕃吐蕃之南隔喜馬拉山山脈者為天竺其詳具見參考內。昌高昌東北為東突厥西北為西突厥夾於阿爾金山山脈及喜馬拉山山脈 高麗長安爲唐都其東爲洛陽爲唐之東都四爲吐谷渾吐谷渾之西北爲高 喜馬拉山山脈一支向西為印度庫什山脈其長城以外斜入東北之山脈爲 爾金山山脈 內興安嶺山脈孤懸海中之三島爲日本隔海與日本相望者爲新羅百濟及 由蔥嶺南出、 一支向東南斜迤爲吐蕃及天竺天然之界線者

曹述與漢武齊名之唐太宗問汝曹於漢代諸帝中除高祖外以武功著聞者爲誰答武帝然則吾爲汝問汝曹於漢代諸帝中除高祖外以武功著聞者爲誰答武帝然則吾爲汝

汝言唐太宗之德、 問隋煬帝亦頗著武功何以不能齊名漢武答以其種種不德故然則吾爲

教授事項

(甲) 時間分配 本課分二時

第一時 唐高祖代隋為天子至即因此也

は和威所歴史女後よ

第二册

-

高等小學發員用(秋季

第二時 太宗好儒術至為唐室最盛之世

- (乙) 內容提示
- 故中華民國之五族統一實為銷禍造福之大原於太宗之平定羣雄中國復統一見前此不統 時兵禍之繁及民人之苦、
- 對外卽能伸張國勢、 於太宗時外患之多及太宗之漸次收服見統 之效果對內爲鞏固 邦基、
- 魏徵等盡職汝曹異日若處行政官地位不可不虛心若處議員地位不可不於太宗之喜聞善言及魏徵等之隨時諫爭一方面見太宗虛心一方面見

四 樂之業及可致之太平汝曹當懸此爲模範、 於太宗時之國內太平人民樂業見無一不根據於統 一若國內相爭斯無

參考

[唐高祖] 李淵西涼 (見第一課參考內此外立國者尙多條) 李暠之後隴西成

[秦王李世民] 高祖欢子生四歲時有些生相之言其必能濟世安民故採其語 高祖平中國受封爲秦王。名之曰世民年十六見海內方亂陰有安天下之志推財養士結納豪傑遂佐名之曰世民年十六見海內方亂陰有安天下之志推財養士結納豪傑遂佐 相尋受恭帝禪國號唐是為唐高祖在位二十四年傳十九帝二百九十年、淵聽其子世民謀借援突厥舉兵取長安奉煬帝孫代王侑爲恭帝自爲大丞 公而以其子昞襲昞卒淵襲隋煬帝以淵爲太原留守北防突厥會隋室大亂、 紀(今甘肅秦安縣北)人 八궤虎佐北周有功北周代魏時虎已卒追封爲唐

[平定羣雄] 世民受高祖命先平秦(高祖武德元年) 次平涼(同二年) 次平劉 略盡惟梁師都尙存至貞觀二年乃滅、 杜伏威次平劉黑闥 (夏故將夏亡起吳稱漢東王以武德六年滅)於是羣雄 武周(同三年)次降鄭(隋東都留守王世充所建國)次平夏次命李靖平梁、 (同四年) 次平徐圓則 (李密故將密降唐後圓朗降夏夏亡起兵稱魯王) 降

繼位爲唐太宗]高祖原以長子建成爲太子建成好酒色忌世民功業欲除之、

調が歴史文受去

此

第二册

高等小學教員用一秋季

爲世民所殺高祖因以世民爲太子已而自爲太上皇傳位世民是爲唐太宗、 在位二十四年

加爾湖南至大漠建牙於外蒙古之都斤山(杭愛山附近)隋初沙鉢略爲可[突厥分東西二國]齊周之時突厥強盛其屬土東至滿洲西近阿拉海北包貝 東突厥大邏便之後統蔥嶺東西諸國爲西突厥皆極強盛、 汗從弟大邏便與之不協居於西方遂分爲二沙鉢略之後統外蒙古滿洲爲

[太宗先滅東突厥] 東突厥自沙鉢略可汗以來國內相爭不已漸至衰弱迨始 李靖李世勤等次第討降之 畢可汗立勢復盛高祖曾借其援兵已而始畢卒太宗以計離間其內部隨命

[定吐谷渾] 吐谷渾自爲隋所破後乘中國內亂復據故地太宗時遭李靖往討、 窮追至鳥海(在青海漢哭山西)大破之吐谷渾自是隸唐、

[定高昌] 高昌在今吐魯番至島魯木齊之間南北朝時有麴嘉爲王始爲塞外 一強國嘉曾孫麴文泰繼立與西突厥合諸國朝唐者皆爲所阻太宗遣侯君

集討滅之、

[西與吐蕃和親] 吐蕃居於西藏太宗時其酋棄宗弄贊英略有大志開拓疆域、 美遣子弟入學於唐、 故好佛弄贊因深信佛法嘗本佛教之旨定國憲及刑法又慕唐衣服儀衞之 君集等禦之互有勝敗已而吐蕃請和於唐太宗乃以文成公主妻弄贊公主 征服南方阿撒母尼泊爾東侵吐谷渾之地時吐谷渾已爲唐藩屬太宗遣侯

南平天竺之亂]天竺卽印度太宗既服吐蕃國威遠播時中天竺王尸羅逸多 自立發兵拒元策元策募吐蕃尼泊爾之兵破阿羅那順擒之而還自是五天來相望至二十二年太宗遣王元策使其國時尸羅逸多已卒權臣阿羅那順 竺諸侯皆畏威朝貢 勢方盛服屬五天竺岡唐宮強以貞觀十五年發使通中國網後兩國使者往

西伯利亞] 唐時若流鬼若鞠若駮馬皆在今東部西伯利亞若黠戛斯若骨利 幹若都播若突騎施皆在今西部西伯利亞均為唐勢力所及,

Ų.

[南洋諸國] 唐時若占婆 (今遥羅) 若闍婆(今爪哇) 若室利佛逝(今蘇門答臘) 等國均為唐勢力所 (即林邑今安南南部) 若眞臘(今柬浦寨)若扶南

[高宗] 名治太宗第九子在位三十四年、

.滅西突厥]高宗初西突厥沙鉢羅可汗役屬西域諸國勢強大屢擾邊顯慶二 年、高宗遣蘇定方擊沙鉢羅擒之西突厥自是臣唐、

|蔥嶺以西之地]|今中央亞細亞一帶。高宗時均爲唐所覊縻中國疆域始與波

斯接壤

[千百濟] 百濟當今朝鮮忠淸道顯慶五年高宗遣蘇定方自成山 登縣南)濟海與新羅會師擊百濟百濟義慈王傾國來戰大敗遂降唐軍 (今山東文

取日本]百濟義慈王既降唐其弟扶餘豐原質於日本至是百濟故將福信等、 糾合餘衆迎爲王乞援於日本日本發舟師百艘救之唐劉仁軌遇之白江口 (全朝鮮錦江入海處)四戰皆捷茨敵舟殆蠹烟焰燭天海水皆赤豐奔高麗、

時高宗龍朔三年也、

.滅高麗] 高麗當唐之初年屢杜新羅朝貢太宗時嘗親將陸軍圍安市城 之命李勣圍平壤(今朝鮮平安南道之首府)高歷王出降、 奉天蓋平縣東北) 不能拔迨高宗旣滅百濟遂圖高麗會高麗內鬨高宗乘

服新羅)新羅當今朝鮮全羅道隋時屢爲高麗百濟所侵又與日本有宿怨遂 高麗遂以新羅爲東藩、 一意朝貢中國仰其保護及隋亡唐興屢遣使乞救朝貢惟謹唐人旣滅百濟

南)人太宗以玄齡爲左僕射如晦爲右僕射共管朝政玄齡善謀如晦善斷[房玄齡杜如晦]玄齡臨淄(今山東臨淄縣)人如晦杜陵(今陝西咸寧縣東 二人深相知當世稱良相必曰房杜、

魏徵]曲城(今山東掖縣東北)人太宗用為諫議大夫徵貌不揚有膽氣犯顔 竟死懷中凡上二百餘奏無不剴切當帝心者後以祕非監參預朝政敢諫太宗頗深敬憚當得佳鷂自臂之望見徵來匿懷中徵奏事故久不已鷂

共和國 折歷史教受去

第二册

高等小學於員用(秋季)

十四

唐明皇

稱皇帝國號周晚年疾篤羣臣仍立中宗 高宗之在位也其后武氏專政高宗卒武后廢其子中宗大殺唐宗室自

之旋受睿宗禪是爲明皇任賢勤政唐室 復國號曰唐、韋后爲亂睿宗子隆基討平

人也政事昏亂武備廢弛大亂途起 林甫楊國忠爲相安祿山爲將皆佞邪之 復興共後耽於奢華逸樂寵楊貴妃以李 安 像 巡

忠與之有隙祿山舉兵反陷長安帝出奔、祿山爲節度使居范陽、命非擁強兵楊國

又羅雀掘鼠皆盡城遂破巡與將士皆死之、 張巡守睢陽離河以忠義激厲將士被圍日久救兵不至將士餓困食茶紙及馬、至馬嵬坡町。國忠為禁兵所殺貴妃亦賜死帝遂如獨祿山稱皇帝。當是時 至馬嵬坡啄屬出爲禁兵所殺貴妃亦賜死帝遂如獨祿山稱皇帝、

- 共人雖往其像如生汝曹當敬而對之以爲矢忠報國之模範、 寫張巡二字於黑板隨指書中圖語之日此天一閣歷代古人圖像之一也、
- 始任賢人繼任小人之唐明皇。假如太宗任用小人則如之何答必致國內亂起人民愁怨然則吾爲汝曹言假如太宗任用小人則如之何答必致國內亂起人民愁怨然則吾爲汝曹言 問唐太宗時以何因緣而使國內太平人民樂業答以其能任賢人故又問
- 不僅指忠於一姓一君而言汝曹宜知忠於國家之人始爲可貴、其所以名垂史册者無一非欲求有益於國家是皆其忠義之性也忠義二字、 漢之張騫東漢之班超蜀漢之諸葛亮東晉之謝安唐之房玄齡杜如晦魏徵、 大書忠義二字於黑板隨語之日忠義者,吾人對於國家應盡之倫理也如

教授事項

甲 時間分配 本課分二時、

第一時 高宗之在位也至祿山称皇帝

當是時至巡與將士皆死之

內容提示·

- 其所愛之妃妾足見君主一位不獨國家蒙害卽君主之一身一家一族亦受 於武氏之自稱皇帝大殺唐宗室安祿山之稱皇帝明皇倉卒奔蜀不能庇
- 華逸樂當起戒心 國前途之明鑒汝曹異日有選舉權時對於選舉人當留意任國事時對於奢 **则皇任賢勤政則唐室復興耽奢華逸樂用佞邪之人則大亂遂起實我民**
- 生氣我國國民荷人人有此精神何憂國威不振、 張巡雖死而張巡之事之留在史册者與其像之留在畫册者至今奕奕有

參考

[武后專政] 武后名墨拜州文水 (今山西文水縣東) 人也初為太宗才人高宗 聞其美密納之後宮途廢王后立為后已而高宗多疾不視朝武后有才畧涉

獵文史時代決政事皆稱旨自是大權悉歸武后、高宗稱天皇后稱天后時 謂之二聖高宗在位三十四年政在中宮者二十五年、

[廢中宗] 中宗名顯改名哲後仍名顯武后所生子高宗卒中宗嗣立未幾武后 廢之遷於房州(今湖北房縣)

[稱皇帝國號周]武后旣殺唐宗室侍御史傅游藝上表請改國號曰周武后不[大殺唐宗室]高祖太宗子孫所殺殆盡其幼弱者亦流嶺南 五年、 請武后可之御則天樓赦天下以唐爲周改元天授號金輪聖神皇帝在 許擢游藝爲給事中於是百官宗戚百姓四夷合六萬餘人俱上表如游藝所 位十

[羣臣仍立中宗]先是武后姪承嗣三思均求為太子狄仁傑諫武后乃召中宗 還東都旋立爲太子武后疾甚張柬之等迎中宗復位、

異時復見天日當惟卿所欲不相禁禦至是預聞朝政如武后在高宗之世矣[韋后為亂]中宗之遷房州也與韋后同幽閉備嘗艱危情好甚篤嘗與私誓曰、

斯歷史效股失

洪

小學教員用(秋季)

宗自房州還武后封皇嗣爲相王中宗被弑相王復卽帝位在位二年[睿宗]名旦武后所生子中宗見廢時曾立爲皇帝武后改唐爲周以爲皇嗣中 未幾后與武三思私通武氏之勢復振遂弑中宗立皇子重茂自爲太后攝政、

.隆基] 睿宗第三子,韋后弑中宗矯詔稱制、隆基率兵誅韋后睿宗即位立爲太 子旋受禪即帝位是爲玄宗卽明皇也在位四十四年,

任賢勤政] 明皇初卽位舉姚崇宋璟等爲相勵精圖治外振國威內勵文學開 元(明皇卽位時年號)之政比隆於貞觀(太宗年號)

[李林甫] 唐宗室好以甘言諂人而陰中傷之不露辭色凡爲上所厚者始則 .楊貴妃]楊玄琰之女初爲壽王(名瑁明皇子)妃玄宗見而悅之乃爲壽. 娶。令妃自乞爲女冠號太眞潛納之宮中,册爲貴妃寵遇無比舉族皆貴盛、

腹有剱、 結之及位勢稍逼輒以計去之雖老好巨猾無能逃其術者世謂林甫口有蜜、茅材甫」 唐宗室如以甘言諮人而陰中傷之不露辭色凡為上所厚者始則親

[楊國忠] 楊貴妃之從兄不學無行能彊辯為宗黨所鄙至長安以善樗蒱得幸

判度支專務聚斂李林甫死代爲右相公卿以下頤指氣使莫不震懼、

[安祿山]營州柳城(今直隸建昌縣)胡也忮忍多智善億測人情脹守珪節度 北京一帶) 河北(今山西太原蒲州一帶)節度使 拔爲營州都督充平盧(今直隸永平承德朝陽一帶)節度使後棄范陽 幽州(今北京)拔爲偏將因養爲子進幽州副使厚結明皇左右明皇才之遂 **令**

[安祿山反] 祿山既領三鎭兵勢甚盛有輕中國之心然以明皇待之厚欲俟明 皇宴駕而後起事楊國忠屢言祿山且反數以事激之欲其速反以實已言祿 山遂決意反、

諮州望風降賊陷東都入潼關(在今陝西華陰縣東)長安遂見陷[陷長安]祿山兵起時太平已久武備廢弛京師近衞之兵亦皆無備於是河北

[出奔] 明皇奔蜀次馬嵬(今陝西興平縣西) 將士憤殺楊國忠逼帝縊殺楊貴

山稱皇帝)稱大蔣皇帝以起兵范陽爲古燕地故也、

學教員用(秋季)

[激厲將士]子奇復寇睢陽張巡謂將士曰吾受國恩所守正死耳但念諸君捐 [張巡] 鄧州南陽(今河南南陽縣) 人博通翆背曉戰陣法志氣高 **風挫贼鋒子奇復遁** 軀力戰而實不酬勳以此痛心耳將士皆激厲請奮巡乃椎牛饗士盡軍出戰 與許遠合遠自以智勇不及巡請巡守城賊軍不能畧山東江淮地子奇夜遁、 祿山將尹子奇寇睢陽 (今河南杷縣)移軍寧陵(今河南寧陵縣)大破賊兵應許遠之召遂入睢陽 (今河南歸德縣) 太守許遠告急於巡巡時由雍邱 略細箔、 安

城破俱死]子奇復徵兵數萬攻睢陽巡士卒饑病不能勵城途陷巡及將士俱 見殺其將南霽雲等亦死之、 被執子奇問日聞君每戰眥裂齒碎何也巡日吾志吞逆賊但力不能耳巡逡

第十 郭子儀

時回紇據外蒙古勢甚強以兵助唐平祿山與唐通婚姻恃其功勞驕恣無 祿山作亂凡數年郭子儀李光弼等率師平之子儀勳名尤爲內外所震

其盛德以一身爲唐室安危者殆三十年 營免胄勞之回紇皆捨兵下馬拜因與子儀合兵大破吐蕃而去 功朝廷疑畏之屢奪其兵權子儀不以爲意始終以寬厚至誠待人當世莫不感 會諮傳子儀已死遂合吐蕃等衆三十萬入寇京師大震子儀以數十騎往其 子儀旣有大

準備

- 傑汝曹知此爲何人隨指示之曰即此人即此人 處乎抑與姦詐者相處乎必曰樂至誠然則古代有一最寬厚最至誠之大豪 爲何人此削平禍亂鞏固中國之大豪傑也吾國國民之師表也汝曹其識之、書郭子儀三字於黑板(如有郭子儀像亦可懸示之)指示之曰汝曹知此 汝曹樂與寬厚者相處乎抑與刻薄者相處乎必曰樂寬厚樂與至誠者相 書郭子儀三字於黑板(如有郭子儀像亦可懸示之)指示之曰汝曹知
- 教授事項
- (甲) 時間分配 本課以一時授完
- (乙) 內容提示

和國作悉之文及是第二

一十九八一高等

- 國基以同心銷禍亂切不可有倚賴外人之謬想、 於回紇之以兵助唐恃功驕恣見外兵之不可 輕假吾儕國民當以實力固
- 心為對內對外之基本 於子儀之誠感回紇見凡人不可無至誠之心吾儕國民當憑一片至誠之
- 7世 足為 爭權 奪利 者之 藥石 於子儀之屢奪兵權不以爲意見其眞能愛國以國家觀念深故權利觀念

【祿山作亂凡數年】祿山以天贄(明皇晚年年號)十四年作亂至德 朗義又襲其偽號廣德(贈宗子代宗年號)元年為其將李懷傑所殺傳首京 師計自祿山倡亂、至全败銷滅先後凡九年、 祿山將史思明所殺思明自稱燕王上元(肅宗年號)二年爲其子朝義所殺 肅宗年號)二年爲其子慶緒所殺慶緒襲其僞號乾元(肅宗年號)二年爲 (明皇子

.郭子儀] 華州鄭 (今陜西華州) 人也祿山反詔子儀充朔方 (甘脯鹽州一帶)

縣))與光弼合敗史思明復河北數郡已而子儀為副元帥帥朔方軍與回紇 節度使李光弼拔常山、 共擊賊途復四京、 (今直隸正定縣南)子儀引兵下井陘、 (今直線井陘

度副使與子儀共破史思明軍後代子儀為帥治軍嚴整大敗史思明於河陽、(李光弼) 營州柳城人也嚴毅沉果有大略祿山反子儀薦其能詔以爲河東節 (今河南孟縣)

[回紇] 匈奴別族其初隸於四突厥居獨樂水(今外蒙古土謝圖汗之土拉河) 廣肅宗即位遣使借兵於回紇時斐羅子葛勒嗣為可汗遣子葉護將兵來接 助唐平亂有功唐册葛勒爲英武威遠可汗以女寧國公主妻之且歲遺厚幣、 屬土東際室韋(今黑龍江沿岸)西抵金山(今阿爾泰山)南跨大漠斥地愈 厥餘衆唐因册爲懷仁可汗建牙於烏德犍山(今外蒙古三音諾顏境內)其 回紇自是漸尊大葛勒死子牟羽可汗立自將兵援唐破史朝義取東京、 上唐太宗既平東突厥回紇據其地臣服於唐至明皇時其營斐羅悉征服突

回紇合吐蕃兵入寇〕 過途酹酒定共攻吐蕃約、 下馬執回紇大帥藥葛羅手責其背約藥葛羅自言爲懷恩所誤願盡力以贖 說回紇共擊吐蕃回紇不信願見子儀子儀往見諸酋長皆下馬羅拜子儀亦 大舉入寇會懷恩道死二虜不睦子儀屯兵涇陽(今陝西涇陽縣東南)使將 昌一帶)地代宗永泰元年叛將僕問懷恩詭言子儀已死誘回紇與吐蔣兵 路地嗣乘祿山之亂盡奪唐河四(今甘肅蘭州涼州一帶)隴西 吐蕃自太宗和親後久不寇邊至高宗時漸倂 有天山

[奪兵權不以爲意]子儀手造王室及大難略平輒遭讒奪兵柄然遇國家有變、 不疑云、 詔書至卽日就道無纖介顧望史家稱其權傾天下而朝不忌功蓋一世而上

[寬厚至誠待人]子儀與光弼齊名而寬厚得人過之時權閥魚朝恩與子儀 除邀子儀遊章敬寺或告朝恩將不利於公將士請衷甲以從子儀不聽但以 家僮十數往朝恩曰何車騎之寡告以所聞朝恩泣曰非公長者能無疑乎其 有

至誠多類此、

[以一身爲唐室安危者殆三十年]正史作二十年通鑑以子儀奮自朔方始於 殆三十年、殆將也言將及三十年也、 明皇天寶十五年丙申終於德宗(代宗子)建中二年辛酉共二十六年改爲

黄巢

本文 爲糧歎曰「我本欲洗濯朝廷之弊政事成不退誤矣」遂爲其下所殺、 帝大肆暴虐屠長安人民謂之洗城官軍四集巢敗出走無食日俘飢民數千以 陷途入廣州自號義軍都統以其衆北上入長安稱帝國號大齊、 四方指斥朝廷弊政人士爭附之衆至六十萬朝廷遣師攻之不勝東南諸 類歲凶荒人民饑困爲盜賊者日衆。 黃巢者曹州 藍山人也率其黨起兵、文 唐之季世昏主相繼出宦官專政與宰相爭權小人在朝君子隱退、 人也率其黨起兵馳檄 黃巢既爲皇 州皆

敞共

第二册

問我國古代最榮譽之大革命家爲何人答湯武湯武何以有榮譽答以

币民伐罪不殺無罪之人故、

此賊之名、 及無罪人民卽爲亂賊烏得與湯武齊名然則唐時有一大亂賊吾爲汝曹揭及無罪人民卽爲亂賊烏得與湯武齊名然則唐時有一大亂賊吾爲汝曹揭 問假如有人僞託革命之名虐及無罪人民可以謂之革命家乎答不可虐

同罪、 因書黃巢二字於黑板指示之日,凡以革命爲名擾害人民者均與此亂賊

教授事項

便 内容提示· 時間分配· 本課以一時授完

 \mathcal{Z}

為選民切須知人不可妄選、 於唐末之小人在朝君子隱退遂為亂階足見政治要在得人汝曹與日若

黃巢起兵藉口當時弊政汝曹吳日若入政界切須實心圖治不使滋生弊

敵乃自云本欲洗濯朝廷弊政可為言是行非者之大戒、黃巢稱帝以後即大肆暴虐且演食人之慘劇此種亂賊直世界人 八道之公

参考

[唐季昏君繼出] 唐自肅宗而後代宗有恢復之功憲宗(代宗曾孫)英斷文宗 爲中唐自此以後謂之晚唐諸帝概屬昏庸、 (憲宗孫) 恭儉武宗有賢相李德裕宣宗(憲宗子)明察以上諸帝之世世稱

[宦官與宰相爭權] 唐初宦官無權自明皇寵任高力士宦官始于政德宗猜忌 謀叛殺之親屬皆死文宗無如何文宗而後氣燄日增殃國禍民無惡不備、 自稱定策國老目天子爲門生文宗時仇士良執宰相王涯賈鍊舒元興誣以 宿將一任宦官勢遂不制迨憲宗為陳弘志所弒嗣是君主多由宦官擁立至

【凶荒饑盜] 僖宗(宣宗孫) 時關東水旱百姓流殍無所告相聚爲盜、

[黃巢] 曹州寃句(今山東菏澤縣西南)人壯鬻鹽富於貲善擊劔騎射稍通書 記辯給喜養亡命會王仙芝起曹(今山東曹州府)濮(今山東濮州)巢聚衆

阿斯歷史敦段法 第

應之仙芝殲於黃梅(今湖北黃梅縣)巢統其衆

[指斥弊政] 巢以義軍都統名義露表告僖宗以將入關因詆宦豎柄朝垢蟲紀 綱指諸臣與中人(指宦官) 赂遺交構狀 銓貢失才等皆當時極弊,

【人士爭附之】 巢殺人如藝惟遇儒則釋俘民給稱儒者皆獲免故附者寖多、

[所陷各地] 巢轉略入浙閩寇嶺南 (卽廣州一帶) 復北還浮湘江而下陷潭州、 (今湖南長沙府)又遣將逼江陵趨襄陽與官軍戰於荆門(今湖北荆門縣)

南(今江蘇江都縣一帶)節度使高駢不能禦遂渡准陷東都入長安、 渡江犯鄂州(今湖北省城)轉掠江南自采石(在今安徽太平府境)渡江淮

安怒民迎官軍縱擊殺八萬人血流於路可涉也謂之洗城、洗城,黃巢稱帝之明年(僖宗中和元年)官軍入長安巢走還襲官軍復入長、

[巢敗出走] 巢爲李克用 (西突厥別種沙陀部酋長) 及諸道兵所破竄擾河南 山東一帶、

以人爲糧]列百巨錐糜骨皮於白并啖之、

[巢爲其下所殺] 巢甥林言斬巢兄弟妻子首將詣獻官軍爲李克用軍所奪丼 **斬言首與巢首俱獻於僖宗**

第十二 五代

世宗為最賢明宗天性寬厚留心民事每夕焚香廳天曰、世亂久矣願上天早國亦復不少為中國紛裂人民異常困苦之時代。五代之君以後唐明宗後周總稱日五代皆據中原、賴地鄉路灣聯部於歷時不過五十餘年其四方獨立之唐是為後晉旣而契丹滅後晉劉知遠自立為帝是為後漢郭威篡之是為後周、於唐遂篡位為帝國號梁未幾唐莊宗滅之是為後唐石敬瑭以契丹之師滅後於唐遂篡位為帝國號梁未幾唐莊宗滅之是為後唐石敬瑭以契丹之師滅後 生聖人與百姓爲主」世宗英武有統一中國之志西敗北漠峨岭之兵南略南 四之地又北攻契丹,在位不久而卒, 黃巢雖死其黨仍到處屠掠殺人爲糧千里無舍煙朱溫者亦巢黨也降

準備

畫五代疆域圖於黑板講如下[五代疆域圖解]長城以北爲契丹奄有今

册

海

獨立國大梁爲梁晉代南若南唐均爲當時

質さ引が蒸じる 一漢周所都即今河南 區一

湯洛〇 煤〇

海

洛陽為後唐所都即域

也僅四年此後周也僅十年是紛紛者皆帝王思想誤之也、 示之日此後梁也僅十六年此後唐也僅十四年此後晉也僅十 年此後漢

教授事項

(甲) 時間分配 本課分二時

第二時 第一時 五代之君至 在位不久而卒 黃巢雖死至 爲中國紛裂人民異常困苦之時代

(乙) 內容提示

地一國國民當以實力自維其國本 於後晉借契丹之師以滅後唐己亦旋爲契丹所滅見外兵切不可引入內

於中國紛裂人民受異常之困苦見全國領土當團結之以使其統一

於後唐明宗之焚香廳天見其眞有公天下之思想

四 於後周世宗之英武遂開統一之先聲見尙武爲國魂所必要、

参考

[巢黨之屠掠] 先是蔡州(今河南汝寧縣)節度使秦宗權降巢及巢死宗權轉 熾寇掠焚翦其殘暴又甚於巢軍行未始轉糧車載鹽屍以從北至衞 江淮(今江蘇安徽)極目千里無復煙火,南衞輝縣) 滑(今河南滑縣)西及關輔(今陝西)東盡青齊(今山東)南出南衞輝縣) (今河

wm m 所歷史改受法

第二册

高等小學教員川(秋季)

三十三

[篡唐] 僖宗卒弟昭宗立欲盡誅宦官召朱温温已倂河南北諸鎭有挾天子令 [朱温] 碭山 (今江蘇碭山縣東) 人黃巢起温亡入賊中巢陷長安以温為東南 是為梁太祖在位七年、 立其弟哀帝未幾迫哀帝禪位又弑之温改國號爲梁史家稱爲後梁都大梁、 諸侯之意以兵驅宦官殺之無噍類温進貿爲梁王促帝遷都於洛陽尋弑之 面行營先鋒使已而降唐賜名全忠為河中(今山西永濟縣)行營招討副使

[唐莊宗] 李存勖克用子初襲父封為晉王屢破梁軍會朱温爲子友珪所弑存 已稱帝國號唐在位四年史家稱為後唐、 州(今山東東平縣)斬梁驍將王彥章、進逼大梁朱温子末帝降存勖是時先 勖收其河北諸州與梁夾河百戰拔楊劉(今山東東阿縣北)造李嗣源取鄆

[借契丹師] 明宗子閔帝為明宗養子從珂所弑從珂自立為廢帝敬瑭夙與有 [石敬瑭] 後唐明宗 (卽李嗣源) 之壻沙陀人從明宗征伐有功為河東節度使、 郤不得已入朝刺移鎮鄆州敬瑭拒命求援於契丹令桑維翰草表稱臣且請

父事之約事提割地契丹太宗(耶律德光) 將騎五萬赴之敗唐兵遂立敬瑭 爲晉帝是爲晉高祖在位七年史家稱爲後晉、

[契丹滅後晉] 敬瑭卒其姪重實立是為出帝時契丹已更號為遼出帝致書遼 府(今奉天農安縣) 主稱孫而不稱臣遼主大怒遂引兵入大梁以出帝歸封爲覔義侯徙之黃龍

[劉知遠]沙陀部人敬瑭爲帝知遠功居多為河東節度使出帝立與契丹絕盟 守兵卽帝位於大梁是爲漢高祖在位一年史家稱爲後漢、 用兵北方常疑知遠有異志遼主之入大梁也知遠奉表稱臣及遼主歸逐遼

[郭威] 邢州堯山 (今直隸唐山縣) 人少以勇力聞劉知遠親愛之知遠稱帝拜 爲樞密副使知遠卒子承祐立是爲隱帝威受顧命輔政

[篡漢]隱帝多誅戮天臣,將及威威引兵入大梁帝遇害威為衆所推卽帝位是 爲周太祖在位二年史家稱爲後周、

[總稱五代] 史家著有舊五代史新五代史亦稱五季季末也猶言末世也

高等小學教員用(秋季)

十四四

[四方獨立之國]一曰吳楊行密所建二曰前蜀王建所建三曰楚馬殷所建四 [歷時五十餘年] 起梁閉平元年丁卯訖周恭帝宗訓元年庚申共五十四年 建八曰後蜀孟知祥所建九曰荆南高季興所建十曰北漢劉崇所建十一曰 岐李茂貞所建十二日燕劉守光所建共十二國、 日閩王審知所建五日吳越錢鏐所建六日南漢劉隱所建七日南唐李昇所

【後周世宗] 本姓柴氏邢州龍岡 (今直隸邢臺縣西南) 人也太祖后兄柴守禮 [後唐明宗] 本夷狄無姓氏父電爲鴈門 (今山西代縣地)部將生子名邈佶烈 爲五代第一賢主史稱其制作之法皆可施於後世 之子、太祖無子養爲己子爲人明達英果議論偉然太祖卒即帝位、 績莊宗為伶人所弑因卽帝位在位七年史稱其寬仁愛人生民賴以稍息云、以騎射事李克用為人質厚寡言執事恭謹克用養以為子賜名嗣源屢立戰 在位五年、

(今山西長治縣)世宗逆擊大破之於高平(今山西高平縣)北漢自是衰耗,西敗北漢]北漢當今山西中部世宗卽位時北漢乞師於遼合軍南向逼潞州,

南犯途少、

今湖南及福建地世宗親率兵畫定淮南諸州引戰艦自淮入江至揚州遺水[南略南唐]南唐當李晜時原有安徽江蘇江四等地至其子璟拓地漸廣奄有 軍破唐兵唐遣使盡獻江北地

[北攻契丹] 世宗自將伐遼取瀛(今直隸河問府) 莫(今直隸任邱縣) 易 直隸易州)三州途置雄 (今北京)會不豫而止、 (今直隸雄縣)霸(今直隸霸州) 二州因趨幽州、

[不久而卒] 卒時年三十九天下方望其大有作爲遠邇哀慕

第十三 一宋太祖

郡中央政府始有權力,太祖以三事戒子孫一毋加農田之賦二毋殺士大夫以來武臣多擁強兵據有一方不受朝廷節制朱太祖罷武臣兵權以文臣任州 滅南唐諸國其弟太宗繼之又滅北漢,中國本部大略統一、自唐世祿山作亂 後周世宗死後其將趙匡胤篡帝位是爲宋太祖都於汴京鄭大以次翦

高等小學教員用(秋季)

三十五

三優待周世宗之後以故宋室之強大雖不如漢唐而忠厚待人為人民所愛戴三優待周世宗之後以故宋室之強大雖不如漢唐而忠厚待人為人民所愛戴三人

者其功蓋不可泯汝曹知建此功者何人因訾宋太祖三字於黑板指之曰卽 民如何可免困苦答必先國土不紛裂然則舉五代時紛裂之國土漸次統一 問五代時中國之現象奚若答國土紛裂人民之現象奚若答異常困苦、

- 體也可不使之強健乎欲其強健必使之有權力故宋太祖於五代以後特造問汝曹從教師學體操何爲答強健身體中央政府者通國人民之公共團 極有權力之政府、
- 此爲何時代因指黑板上所寫之朱太祖三字示之日卽此人所造之時代、 唐今有國勢雖不甚強版圖雖不甚大而頗得民心足與漢唐比美者汝曹知問周秦而後中國之國勢最強版圖最大者屬何時代答在前爲漢在後爲

教授事項

更 時間分配· 本課分二時

第一時 後周世宗死後至始有權力

第二時 太祖以三事戒子孫至爲人民所愛戴

2 內容提示

- 裂後統一之不易吾人居於統一時代切不可使有紛裂之現象於宋太祖之翦滅諸國宋太宗之繼滅北漢然後中國本部大略統一見紛
- 何物太祖特矯而正之可爲前鑒、 於武臣之不受政府節制見當時武臣之不知尊重國家不知軍事道德爲
- 横斂困人民故太祖特於斯注意、 人民依法律有納稅之義務政府納人民之稅為人民治事自不得以濫征
- 四

第二册

高等

三十六

[趙匡胤] 先世為涿郡 (今順天府) 人生於洛陽從後周世宗征伐有功官至殿 朱是爲宋太祖在位十八年傳十七帝三百二十年、 遼兵入寇匡胤奉命出征為將士所推即帝位以所領歸德軍在宋州國因號 前都點檢恭帝(世宗子)立授歸德(今河南歸德縣南)軍節度使時北漢會

[翦滅南唐] 南唐自爲後周世宗所伐後國以不振宋興因自貶號曰江南宋遣 曹彬南伐江南不敢戰彬自采石渡江破金陵(今江蔴江寧縣)江南悉定時 太祖問寶八年也

[翦滅諸國] 太祖先平荆南 (乾德元年) 次平後蜀 (乾德三年) 次平南漢 寶四年) 次平南唐、 開

[滅北漢]太平興國(四字年號)四年太宗自將征北漢北漢降、 [太宗] 名匡義太祖之弟太祖聽母杜太后言傳位於弟因卽位在位二十一年

[中國本部三句]太宗初吳越已獻地及北漢平後惟後晉所割地未能規復安

南亦由此獨立故云大略統一、

姓王及帶相印者宋初不下數十人或因其卒或因遷徙致仕或因遙領他職〔宋太祖罷武臣兵權二句〕太祖嘗以從容杯酒解石守信王審琦等兵權其異〔宋太祖罷武臣兵權二句〕太祖嘗以從容杯酒解石守信王審琦等兵權其異 皆以文臣代之使知州事自是節度使兵權漸失、

之實力故內禍方長外患寖入太祖鑒之因集權力於中央於是民政軍政財,中央政府二句]晚唐及五代之間武臣擅權罔利虐民習爲故常政府無統一 政三大權始歸於一

[毋加農田之賦] 太祖懲五代藩鎭重斂之弊閤式等坐監輸增羨貶杖常盈倉 吏以多入民租棄市用以舒息民力、並輕戒子孫、

[毋殺士大夫] 太祖懲五代濫殺之弊優禮士大夫罪止貶謫終宋之世無戕賊 士類者

[優待周世宗之後]五代更迭之際前代子孫鮮得免者太祖於將士推戴時即 約束將士不得驚犯周太后及周帝又戒子孫優待其後故宋仁宗封世宗後

高等小學教員用秋季

三十七


忠厚爲人所愛戴]有宋一代無暴主太削詥謀之力居多 為崇義公迄於南宋尚襲斯爵即邈太祖遺誠 也、

第十四 遼宋之爭

後兩國使聘往來彼此無數民得安息 利願與宋和宋歲納銀幣以爲報相約爲兄弟之國南朝爲兄北朝爲弟、 宋太宗卒子眞宗立遼人又伐宋宋人大恐宰相寇準勸眞宗親征遼人知無所 遼為北朝宋為南朝宋太宗屢伐遼不能勝大將楊業死焉兩國之爭常不絕 割直隸山西之北部以與之勢益大改國號日遼至宋之時遂與宋人分領中國 強其貿長耶律阿保機稱帝據有東三省蒙古之地石敬瑭借契丹兵滅後唐又 契丹為鮮卑族居於直隸之熱河世附於唐賜姓曰李唐之末世、 自是以

準備

南開封縣卽大梁也本名汴州故有汴京之稱北爲遼遼與中國交界之邊境、書北宋疆域圖於黑板隨講如下〔北宋疆域圖解〕汴京爲北宋都城今河



同彼此約和永爲兄弟之國。迄遼與北宋之亡而始止在當時分爲二國尙以 遼於今爲滿族宋於今爲漢族、其初雖互相攻伐然其後各顧念國內之大遼於今爲滿族、宋於今爲漢族、其初雖互相攻伐然其後各顧念國內之大

三十八

一高等小學教員用(秋季)

彼此親和爲重況於同在一國之中乎

教授事項

時間分配・ 本課分二時、

第一時 契丹鮮卑族至兩國之爭常不絕

第二時 宋太宗卒至民得安息

(乙) 內容提示

吾人當以保全爲要 於石敬瑭之割地賂契丹貽禍至宋不絕見國家領土卽爲國家命脈所關、

世界享和平之福必先使已國立富強之基 於寇準之勸帝親征遼人無所利遂與宋和見非能戰不能言和我國欲於

參考

[契丹之起原]契丹本東胡裔鮮卑之別族也南北朝之初始更號爲契丹、 [熱河] 熱河當今直隸之北部承德朝陽二府及赤峯一州地契丹自後魏時居

今朝陽府以北及赤峯地方太祖以後勢日強因置中京大定府、 (在今平泉

州)及上京臨潢府(在今林西縣)

會率部落來降太宗伐高麗授其蕃長窟哥為左武衞將軍已而窟哥請內屬、[世附於唐賜姓曰李]唐高祖時契丹大열孫敖曹遺人來朝太宗時其君長摩 乃置松漠(在今直隸圍場廳境)都督府以窟哥領之赐姓李氏、

[唐末漸強] 契丹自安祿山亂後乘唐室衰微南侵略地先是其國分八部及唐 末八部併於一勢逐盛

[耶律阿保機]阿保機姓耶律豪雄善騎射受契丹八部公推爲君長契丹法君 長三年一代阿保機不受代擊倂諸部以後梁末帝貞明二年稱帝是爲契丹

【據有各地] 阿保機用漢人韓延徽爲相國勢日盛以臨潰爲皇都北向侵室韋 (今黑龍江省)女眞(今吉林省)諸部西向略突厥故地(內外蒙古)東倂渤 (今奉天吉林兩省境)

最

[石敬瑭所割地] 在直隸者十二州日幽(今北京)日薊(今薊州)日瀛、 日朔(今朔縣) 間府)曰茣(今任邱縣)曰涿(今涿州)曰檀(今密雲縣)曰順(今順義縣) (今蔚州)在山西者四州曰雲(今大同縣)曰應(今應縣)曰寰(今馬邑縣) 日新(今保安州)日嬀(今懷來縣)日任(今延慶州)日武(今宣化縣)日蔚、 (今河

[宋太宗屢伐遼]太宗乘滅北漢之威親圍幽州爲遼將耶律休哥所敗其後曹 [南朝北朝]宋眞宗時遣使賀契丹蕭太后生辰致書自稱南朝以契丹爲北朝 [改號遼] 阿保機之子德光爲契丹太宗以後晉天福 (高祖年號) 二年改號遼 彬潘美等收復寰朔雲應等州未幾又見陷嗣是屢有勝貧邊地不寧、

[楊業] 業本北漢將太宗拔以爲代州(今山四代縣) 被執不食三日死 (在今代縣北)後爲潘美副將與契丹轉戰至陳家谷(在山西朔縣南)中伏 刺史曾敗遼兵於鴈門、

[眞宗] 名恆太宗第三子,在位二十五年、

[遼伐宋] 契丹主隆緒 (德光子聖宗時改號契丹) 以朱眞宗景德元年大舉入 寇進迫澶州(今直隸開州)邊書告急一夕數驚

[寇準]華州(今陝西華州)人八歲吟華山詩有云只有天在上更無山與齊其 師器之後相眞宗以忠壯顯

[眞宗親征] 寇準壽眞宗幸澶州御北門城樓遠近望見御蓋踴躍呼萬歲聲聞 居北城上徐使人視準何爲準方與知制誥楊億飲歌謔歡呼眞宗喜曰準如 已而契丹數千騎來薄城下詔士卒迎擊斬獲大牛乃引去眞宗還行宮留準 數十里契丹相視怖駭眞宗悉以軍事付準、準承制專決號令明肅士卒畏兌、

[宋遼嫭和] 契丹遣其臣韓杞持書與宋使曹利用俱來請盟契丹欲得後周世 用如契丹軍議歲幣以銀十萬兩絹二十萬匹成約而還契丹遺使持誓書來、畫策以進曰如此則可保百年無事眞宗不欲戰準不得已乃許其成復遺利 宗所復地眞宗許以金帛準不欲賂以貨財且欲邀其稱臣及獻幽燕之地因宗所復地眞宗許以金帛準不欲賂以貨財且欲邀其稱臣及獻幽燕之地因

以兄禮事宋引兵北還、

[兩國使聘往來] 真宗以契丹修好則有慶弔之使特置國信司專主之契丹亦

遣使來聘彼此往來不絕

第十五 范仲淹

本文 宋之封册宋亦歲賜銀幣以報之於是中國之地宋遼夏三國鼎足而立、 韓西賊聞之心膽寒軍中有一范西賊聞之驚破膽」其後夏人稱臣請和顧受 防禦 帝據有陝西甘肅邊境及內蒙古西部朝廷屢征之不勝乃命范仲淹韓琦至邊 先天下之憂而憂後天下之樂而樂」至是與韓琦防邊邊人歌之曰「軍中有一 仲淹素有大志見當時吏治不修武備廢弛慨然欲改革之嘗曰、「士當 眞宗卒子仁宗立當是時南北相安國內無事而四夏起於西北獨立稱

問宋太祖於文武兩方孰輕孰重答重文輕武、

問武備爲立國要素太祖重文輕武卽爲宋代之弱點欲救此弱點當如何、

答當整飭武備然則吾為汝曹述留心武備之范仲淹

於宋代又有鼎立之三國出現汝曹知之乎(隨書宋遼夏三字於黑板) 問束漢之末有鼎立之三國出現此三國爲何國答魏蜀吳魏蜀吳而後至

教授事項

更 内容提示 時間分配 本課以一時授完

2

武之精神 於宋征西夏不勝見宋代重文輕武之弊民國欲稱雄東亞當使人人有尙

以期廣植將才 於韓范防邊為敵人所畏憚見將才之不可缺乏故民國特設海陸軍學校

[七宗] 名稹眞宗第六子也在位四十一年

[西夏]夏之先屬西藏族唐時內附唐末部會拓拔思恭以討黃巢功封夏國公

宋賜姓名趙保吉保吉叛服不常子德明嗣乃歸款於朱��事遼子元昊嗣拓 賜姓李氏子孫世據夏州(今陝西懷遠縣西)數傳至繼捧率衆朝宋賜姓名 地變廣自號大夏皇帝、 趙保忠其族弟繼遷襲據銀州(今陝西米脂縣) 受遼封為夏王已而請降宋、

[據冇各地]元吴雄毅有大略修明號令以兵法勒諸部擊回紇盡取河西地、 有十八州。在有今陝甘之北境及內蒙古之西南部都興慶(今甘肅寧夏府) 阻河依賀蘭山(在內蒙古阿拉善旗東卽寧夏府西境)為固

[屢征不勝]元昊有雄兵十五萬旣稱帝朱仁宗詔削其官 (定難節度使)

衝元昊來攻邊將劉平戰歿後以夏竦為經略竦無功而免、 (西平王) 絕互市自是元昊連歲寇邊延州 (今陝西延安府) 當夏人出入之

[范仲淹] 蘇州吳縣人少有志操為秀才時即以天下為己任舉進士第官至參

.韓琦]相州安陽(今河南彰德縣)人風骨秀異舉進士第後爲相與范仲淹同 知政事、

名重一時朝廷倚以爲重天下稱爲韓范、

[受命防邊] 夏竦之爲經咯韓范副之及竦免兩人專牌邊任推誠撫綏諸羌服 其恩威元昊之不得大逞藉兩人宣力爲多、

(仲淹改革之政見)對於吏治主張明黜陟抑僥倖擇長官對於武備主張用唐 諸道、 代府兵法。義畿輔彊壯為衞士以助正兵使三時務農一時教戰並推此法於

[宋夏媾和]宋與夏用兵久仁宗厭之元昊雖屢勝然傷損亦多途上書請和呼 之乃册元昊爲夏王約稱臣奉正朔、宋帝爲父更名曩霄而不稱臣尋上誓表乞歲賜銀綺絹茶二十五萬仁宗許

[三國鼎立]元昊雖奉表稱臣然帝其國中自若仍具獨立國之資格故與宋遼 稱鼎立、

第十六 王安石

至仁宗之孫神宗時欲完全統一中國而北有遼西有夏兵力不能敵國

和國「死亡女子」の第

四十

一 高等小學教員用(秋季)

黨競爭不已蔡京相徽宗復行新法務搜括民財以供君相之奢華又與金人連黨競爭不已蔡京相徽宗復行新法務搜括民財以供君相之奢華又與金人連 合以滅遼遼亡而宋亦不能支矣 不得已致仕去神宗憂懣而卒、 迫行之人民苦其擾輿論騷然出兵攻西夏又爲所敗且新黨亦爭權內訌安石 內財政又極爲紊亂非理財不能富國國不富則吳不強吳不強則 而收統一之效 於是任王安石爲宰相議定新法惡舊黨反對用新黨人物強 司馬光繼爲宰相廢新法仍用舊制然新舊兩 不能滅遼夏、

準備

- 王安石三字於黑板 國家富強之大本也宋時有熱心爲國力求富強之豪傑汝曹知之乎、 問民國如何而後能富必日理財如何而後能強必曰治兵財政也兵政也、 (因害
- 行,非爲個人爭權利也盡觀宋代之政黨以爲前鑒、 大比之大石大器物尤為難學故無論何國均有政黨但政黨係謀政治之進 問汝曹欲舉一大石或大器物能以獨力舉之乎日不能必以衆力政治之

教授事項

- 更 時間分配· 本課分二時、
- 第一時 至仁宗之孫神宗時至神宗憂懣而卒
- 第二時 內容提示 司馬光繼為宰相至遼亡而朱亦不能支矣
- 2
- 汝曹既爲國民即有富強本國之義務不得以是專委之政府、 國不富則兵不強兵不強則國本不固不獨宋代如此古今中外莫不如此、
- 安石以理財之故反致擾民、在政府一方面固當力戒騷擾然在國民
- 三 新黨以爭權內訌是已失政黨之資格安石之失敗及宋代富強之無望舉 由於此
- 朱代新舊兩黨競爭不已遂致國事日非其弊在徒逞私見不知以國家爲

前提

参考

[神宗] 名項於仁宗為從孫仁宗卒無子從弟子曙立是爲英宗英宗卒子項立 是為神宗神宗在位十八年

·神宗之志] 神宗勵精圖治將大有爲以祖宗志吞幽蒯靈武而數敗兵奮然將 雪數世之恥、

[宋代兵不強之原由]宋懲潛鎭之弊盡奪其權宿弊雖除國力寖弱范仲淹雖 有改法之識訖未實行故兵威不振、

[宋代財政紊亂之原由] 宋自開國以來優待功臣並其子孫族衆皆濫授官爵、 遼夏議和復歲輸巨幣以此二端公私交困、

[王安石] 撫州臨川 (今江西撫州府) 人少好讀書一過目終身不忘有矯世變 俗之志曾上萬言書於仁宗以論治道至神宗時大用、

[議定新法] 神宗問施政何先安石曰變風俗立法度爲當今急務遂議行新法

[關於財政之新法]一靑苗法(以官錢貸民取息二分隨夏秋稅輸納)二募役 法(斂錢於民募人代役)三市易法(以官錢帛與民爲市)

關於軍政之新法〕一保甲法(十家爲保五十家爲大保保丁皆授弓弩教戦 陣使漸習爲吳)二保馬法(以官馬給保甲戶逐盜賊令視養)

.恶舊黨反對] 時富弼趙抃唐介等皆舊黨中之覔物望者羣與安石反對安石 既不得其助力次第去之

用新黨人物]新黨如呂惠卿韓絳等均附安石安石用之

[強迫行之三句] 時人民習於成法未明新法之利新黨以強迫手段臨之舊黨 又挾其成見橫生阻撓故利未形而害先見

[用兵西夏]自西夏請和後西邊無事神宗時邊將种諤襲夏取綏州、 綏德州)邊釁復起時夏主秉常(元昊孫)繼立大舉入環慶(今陝西慶陽府

路已而又命李憲攻靈州(今甘肅靈州)不克夏人復來寇陷永樂砦、 神宗命王韶復河湟(今甘肅蘭州西寧二府地)斷西夏與吐蕃連結之 (今陝

共和國 新歷史教授法

•

四十四

第二册

高等小學發員用(秋季)

西米脂縣西) 宋人損失甚鉅夏亦疲弊、

(新黨爭權內訌) 新黨如呂惠卿頗忌安石又與韓絳忤其餘黨人若鄧綰若安 石子王雱均互相攻擊

安石致仕]安石初罷知江寧府(今江蘇南京)比再相黨訂益烈屢謝病求去 復出判江寧府、

.神宗憂懣而卒] 神宗在位不事畋遊不營宮室日以振興宋室爲事卒違所望、 遂飲恨而卒

[司馬光]陝州夏縣(今山西夏縣)人神宗時除樞密副使辭不拜數言新法之

[司馬光爲相]哲宗(名煦神宗子)即位年幼太皇太后高氏聽政罷新黨相 馬光光有德望凡安石所建諸法光劃革殆盡時新黨退休散地銜怨入骨陰 何間隙舊黨不悟又自分黨相攻於是政界益呈危象、 司

·微宗]名信神宗子機哲宗而立在位二十五年、

[蔡京] 興化仙遊 (今福建仙游縣) 人司馬光爲相時改募役法復行差役爲期 史列之姦臣傳 五日同列病太迫京獨如約及爲相立黨人碑又以司馬光爲姦黨性反覆宋

[復行新法] 京既得志因託紹述(紹述神宗)之說箝制天子凡安石所立法、 一規復、

[金]完顏氏所建國詳見下課山等集奇花異木珍禽奇獸備極巧妙國計民生兩俱凋敝、 .務搜括民財二句] 京以奢侈中上意土木大興修京城作延福宮保和殿萬歲

(徽宗子欽宗靖康二年)而北宋亡先是高麗王謂茍存契丹猶足爲中國捍[遼亡宋不能支]遼以紀元前七百八十七年(宋徽宗宣和七年)亡越二年 邊廷臣中亦有恐異時層亡齒寒邊境有可乘之隙者朝廷不聽自取滅亡之

宋之南渡

断歷史效授法

清 常治立於是中國之北方概屬於金宋人惟有南方之地 等治立於是中國之北方概屬於金宋人惟有南方之地 昌為帝宋人不服立徽宗之子康王是爲宋高宗避金兵南渡大江建都於臨安 昌為帝宋人不服立徽宗之子康王是爲宋高宗避金兵南渡大江建都於臨安 大舉伐宋陷汴京屬徽宗及其子欽宗北去囚之於五國城林市 **兼致貢於宋及遼之衰其酋長阿骨打獨立稱帝國號金、** 山西北部之地與金人約夾擊遼金遂滅遼以今之北京歸於宋旋怒宋人納叛 金人者女真族也其先居 黑龍江 服屬於唐而蕃殖於吉林東部後屬遼 宋徽宗欲收復直隸

京旁之朱仙鎭爲岳飛大敗金人處東北隅之五國城爲徽欽二宗所囚地在 都即今浙江杭縣。虛線以北。金佔其大部分西夏所佔僅西北一小部分其汴 宋言南宋者所以別於都汴時代也(世稱都汴時代為北宋)臨安爲南宋所 今吉林伊蘭府境 畫南宋疆域圖於黑板隨講如下[南宋疆域圖解]如圖凡虛線以南均為

問宋徽宗任用蔡京搜括民財以供己欲可謂樂乎答曰樂其被搜括之國

民則何如 日苦甚

汝曹知徽宗之亦無所樂

乎豈獨無所樂而已且其苦

國城時之狀況 (因大書一特甚謂予不信淸觀其至五

囚字於黑板指示之)

教授事項

甲 時間分配 本課分二

第一時 金人者至囚之於五

國城

金人立張邦昌為帝至 宋人惟有南方之地

2 内容提示

秋季

圖 域 臘 宋 南 五国城 潹

- 異國民當以實力衞國家不宜倚重外力、 於宋人之藉金力以滅遼已亦幾爲金滅足見招寇敵寇實與引虎自衞無
- 不能以立國、 於宋納金叛遂爲金所藉口足見國於世界以信字爲無形之保障不 信即
- 國之根性未亡故尙能與金相對峙於宋人不服金人所立之帝足見爾時國民尙知行政主權之不容外假立

參考

[金爲女眞族] 金姓完顏氏漢魏謂之挹婁後魏謂之勿吉隋唐謂之靺鞨至五 黑龍江者不籍於遼號生女眞 代時始號女眞其居松花江以南者繁籍於遼號熟女眞在松花江以東北至

[先世居黑龍江] 金先世屬勿吉內之黑水部唐初謂之黑水靺鞨黑水即黑龍 江也

[服屬於唐] 黑水靺鞨原附高麗常助高麗拒唐太宗兵唐玄宗時來朝置黑水

[蕃殖於吉林東部] 今長白山一帶為生女眞所有地、 府以其部長爲都督刺史以長史監之賜姓李氏、訖唐世朝獻不絕

[屬遼] 遼之盛時生熟女眞均爲臣服

[致貢於宋]女眞在宋初展貢名馬、

[遼衰] 當宋徽宗時遼主延禧(卽天祚帝) 荒淫失道寵信姦回自椓國本國勢 寖衰、

阿骨打〕世爲生女眞酋長桀黠有勇略舉兵攻遼遼主延禧遣兵討之遼軍大 敗稱帝國號金是爲金太祖

[宋金攻遼之約] 先是宋遣童貫於遼覘遼虛實貫挾燕人馬植歸易姓名曰李 贈遼幣與金、 良嗣說徽宗與女眞夾攻遼賜姓趙氏已而女眞建國乃遣馬政浮海使金通 好金遣使報聘遂使趙良嗣往議攻遼約金取中京宋取石晉賂契丹故地以

金滅遼]金以兵漸次攻遼所至皆下宋師無功金責宋出兵失期不克踐夾攻

厅委已处受与

*

高等小學發員用(秋季

之約、

[以今之北京歸於宋] 金以宋不能夾攻故因亦不踐前約僅以燕京及附近六 州歸宋

·納叛啓釁] 宋新與金盟金張瑴以平州(今直隸永平府) 降朱宋人納之金因 質釀兵端 遣使來資訊宋納其叛人宋不得已殺張瑴函其首送於金然金終藉此爲口

[陷汴京] 金既起兵宋屢敗徽宗因禪位於太子桓是爲欽宗遣使詣金修好無 效已而金兵逼京遣使求和括京師金幣予之金兵退未數月金再逼京城遂

與太子親王帝姬皇族等共赴其營金掠城中子女金帛殆盡因挾二帝還北〔徽欽見虜〕城旣陷欽宗從金人請親赴其營徽宗時爲上皇爲金人所逼倉猝 [囚於五國城] 二帝至五國城備嘗艱苦徽宗嘗於衣上見蝨呼之爲琵琶蟲後 以高宗紹興五年凶問至宋欽宗則以紹興三十一年凶問至宋、

[金人立張邦昌爲帝] 張邦昌永靜軍東光(今直隸東光縣)人欽宗時官至太 [康王] 名構、徽宗第九子,邦昌之爲帝也人心不服不得已遣使迎康王王時在 高宗在位三十五年 濟州(今山東鉅野縣南)臣民咸勸進遂卽位於南京(今河南歸德府)是爲 宰爲河北路割地使及二帝見虜金人議立異姓途立邦昌爲楚帝、

·避兵渡江] 高宗初知和議之誤國任李綱爲相已而疑綱復主和聽黃潛善等 疑澤澤憂憤發病死金人因進至揚州高宗聞報逐渡江至鎭江、 小人言幸揚州(今江蘇江都縣)時金人三道來寇爲宗澤所破不能進已而 (今江蘇丹

[建都臨安] 臨安今浙江杭縣高宗至鎭江聽呂頤浩言如杭州旋升杭州爲臨 安府高宗爲金兵所逼輾轉遷徙至紹興八年始於臨安定都焉、

[牝方屬金] 金地奄有今直隸山東山西河南東三省及江蘇安徽之北境陝西 甘肅之南境並及今俄屬之沿海州日屬之朝鮮北部、

第二册

八 高等小學教員用 秋季)

[南方寫末] 南宋地奄有今浙閩江西兩湖兩廣四川及江蘇安徽之南境貴州

之北境

第十八 岳飛

以服天下、 宰相秦槍務欲講和連發金字牌十二促飛班師誣飛謀反斃之於獄中,幷殺其 **詣秦檜詰飛罪狀檜曰「罪狀雖不明然其事莫須有」世忠曰、** 子岳雲宋遂稱臣納幣與金人和、 破金兵五十萬於朱仙鎮麻河北方豪傑望風響應金將士亦多來降 不廣掠愛養士卒凡有頒賞均給軍吏秋毫不私其死也人多爲之不平韓世忠 岳飛軍律站嚴時稱其軍凍死不拆屋餓死 「莫須有三字何

準備

寫岳飛兩字於黑板隨指書中圖(岳飛像係從岳忠武集摹出)語之日此

勢百倍於安祿山而禦致為不國人所尊敬因其能以死力衞國家足爲國民之模範也國家足爲國民之模範也

配

敵人之手,而死於同朝共事人之手,其可惜直百倍於張巡矣因指黑板上岳 飛兩字示之日惜哉此人惜哉此人、 問張巡死於何人之手答敵人之手可惜乎答可惜今有功倍張巡不死於問

教授事項

第二冊

兀十九 一高等小學敬員用(秋季

甲 時間分配 本課分二時、

第一時 高宗卽位於江南至與金人和

岳飛軍律甚嚴至何以服天下

内容提示・

畏且能使敵人敬、 於岳飛之數敗金兵金人呼為岳爺爺見人貴自強能自強不獨能使敵人

功以滿國人之堂、 於岳飛朱仙鎭之捷北方豪傑之響應見其時人心不死惜未能竟岳飛之

四 於莫須有之獄見專制政體之害於姦人誤國慘害忠良凡我國民對於此項姦人當協同除之、

参考

[江南] 指大江以南、

[金人南侵不已] 自高宗卽位之年至和議告成之前一年(紹興十一年)十餘

年間干戈不息民生塗炭

三百斤,弩八石背湼盡忠報國四大字深入膚理其夙志如此「岳飛〕少貧氣節沈厚寡言家貧力學、尤好左氏春秋、孫吳兵法、未冠力能挽弓

[湯陰]宋屬河北西路相州今為河南湯陰縣、

[數敗金天]飛自應募入軍無戰不勝其與金戰最烈者若廣德 (今安徽廣德

之捷靜安(在江蘇江寧縣)之捷襄陽(今湖北襄陽縣)之捷蔡州 **令**

河南汝寧縣)之捷而以朱仙鎭之捷爲最著詳見下、

[岳爺爺] 飛於廣德戰勝時駐兵鍾村 (在廣德縣境) 金所籍兵相謂曰此岳爺 爺軍爭來降附爺爺俗呼父之稱也爺通作耶耶你呼祖父之稱也、

之語曰撼山易撼岳家軍難、 人為

[朱仙鎭之戰]飛於紹興十年擊走金兀朮於郾城(今河南郾城縣)追至朱仙 鐶(以戰國時俠客朱亥故里得名) 距汴京四十五里時兀朮對壘而陳遣背

共 所歷史效受法

(秋季)

之故有此名見雲麓漫鈔)騎五百奮擊大破之兀朮還汴 一作卷親隨軍謂之背嵬北人呼 酒瓶為嵬大將酒瓶必令親信人資

[北方豪傑二句]時兩河豪傑李通等率衆歸飛由是金人動息山川險要飛背 者充滿道路自燕以南金人號令不行 得其實中原一帶皆期日興兵與官軍會其所揭旗以岳爲號父老挽糧迎候

[金將士亦多降] 金帥鳥陵思謀素號桀黠亦不能制其下但諭之曰、 至禁衞龍虎大王等皆密受飛旗牓自北方來降金將軍韓常欲以五萬衆內岳家軍至卽降金統制王鎭統領崔慶將官李覬崔虎葉旺等皆率所部降以 | 班輕動

[秦檜]江寧(今江蘇江寧縣)人。金人犯汴時曾持不可 逃歸時即以南自南北自北為言據相位十九年刦持君父倡和誤國誅忠川 佞名列宋史姦臣傳 割地議後爲金人所廣、

務欲講和」朱仙鎮既太捷飛與將士言將直抵黃龍府 (今吉林農安縣按黃

今吉林阿城縣岳飛痛飲黃龍之語意謂直抵其本部也) 龍府置於遼時雖府治在今農安而府之區域殆有今吉林全境金都會寧卽 渡河而秦檜欲畫淮以北與金和諷臺臣請班師、 與諸君痛飲方指

[金字牌]以木牌朱漆黄金字光明眩目過如飛電望之著無不避路日行五百 餘里有軍前機速處分則自御前發下(見夢溪筆談)

不可留飛一日奉十二金字牌、愤惋泣下曰十年之功廢於一旦乃引兵還民[連發金字牌十二二句] 檜知飛志銳不可回乃先調他將歸而後上言飛孤軍 遮馬哭留不得河南新復諸府州途復爲金有、

誣飛謀反] 檜力主和議飛不肯附和金兀朮又遺檜書言汝朝夕以和請、 還飛兵柄為謀反之據、 柄又諭張俊令郑王貴誘王俊誣告張憲(與王貴王俊均飛部將)謀據襄陽、飛方爲河北圖必殺飛始可和槍亦以飛不死終梗和議力謀殺之旣罷飛吳

.斃之於獄中] 楢矯詔召飛及其子雲下之獄令何鑄鞫之鑄白其寃槍曰此上

听歷史枚受片

 \mathcal{F}

高等小學教員用(秋天

相賀、 有隙傅致其獄一日槍手書小紙付獄即報飛死矣年三十九金人聞之酌酒 意也鑄以無故戮一大將非社稷長計不之允乃改用万俟卨鞫之高故與飛

[宋金媾和]高宗受金袞冕封册爲宋帝上表稱臣歲貢銀二十五萬兩絹二十五岳] 飛養子從飛戰有功飛死後與張憲均棄市 五萬匹豪莫大恥辱而秦檜方據之以爲己功、

岳飛軍律甚嚴]飛治軍極嚴卒有取民麻一縷以東劉者立斬以徇卒夜宿民 開門願納無敢入者餘詳本文

[愛養士卒] 卒有疾躬為調藥諸將遠戍遣妻問勞其家死事者哭之而育其孤、 或以子婚其女其愛養如是餘詳本文、

[人多不平] 飛之死也布衣劉允升上書訟其冤秦檜死允升於大理獄

[韓世忠] 延安 (今陝西膚施縣) 人鸞勇絕人能騎生馬駒嘗大敗金兀朮於鎭 江為中興武功第一性戆直事關國家必流涕極言岳飛冤獄舉朝無敢出一

語世忠獨詣實槍語詳本文

第十九

本文 使人人知聖賢之大道、 而至者家貧豆飯藜羹不以爲意取大學中庸論語孟子四書爲之註解以教人椒姪南北相安者數十年,朱子每入朝必以誠意正心爲言弟子甚多有自遠 叔姪南北相安者數十年,朱子每入朝必以誠意正心為言弟子甚多有自遠和議之非孝宗亦欲復仇屢出師北伐皆無功然金人亦因此廢君臣之稱改稱 朱孝宗者高宗之子也其始卽位詔求直言朱子上書勸帝講聖學修武備力斥 物 及長勤學好問徧交當世有職之士尤喜研究聖賢之說遂爲宋代大儒、 朱子名熹婺源盛安人兄時父指天示之日天也朱子問日、「天之上 何

準備

中特傳不朽者汝曹知之乎(因書朱熹二字於黑板以示之) 問南宋時軍界中不朽之人物汝曹所知者幾人答岳飛韓世忠今有學界 中華民國之教育頗注重道德教育蓋國民無道德卽不能固結其떾體、 m

第二册

新歷史敦受法

高等小學教員用(秋季)

以示之 保全其國家今試與汝曹言道德家之模範 (因指黑板上所書之朱熹二字

教授事項

- 印 内・時間 分配・ 本課以 二時授完
- $\widehat{\mathcal{Z}}$
- 有識之士見其真能求學凡爲學子不可不以爲標準 於朱子問天之上何物見幼時已喜研究道理迨長而勤學好問獨交當世
- 志在大成不可半塗而廢、 為學子或士或農或工或商或為軍人及其他事業必各有專門之目的均須 於朱子喜研聖賢之說遂成大儒見其以儒學爲專門之目的有志竟成凡
- 此四字為模型 無論異日爲士爲農爲工爲商爲軍人或其他事業而於道德上均不可不以 於朱子之言誠意正心見其爲道德之根本非是則不足爲國民凡爲學子、

參考

[朱子]子男子之美稱儒家尊重朱熹不舉其名而稱爲朱子以表敬意猶春秋 時之孔子戰國時之孟子也、

[婺源] 今安徽婺源縣有朱子闞里廟在縣南按朱子雖婺源人然少長於閩、 朱子少依父友劉子羽寓建之崇安後徙建陽之考亭)沒亦葬焉(墓在建陽

縣西北九峯山下)

. 兄時與父問答] 朱子幼穎悟甫能言父松與語而異之

[勤學好問] 朱子博極羣書自經史外諸子百家佛老二氏天文地理之學無不 涉獵而研究

九淵兄弟等凡數十人皆互相切磋以資精進[徧交當世有識之士]除師事胡憲劉勉之劉子肇李愿中外若張栻趙汝愚陸

[遂爲宋代大儒]朱子集宋代理學之大成入宋史道學傳、

[孝宗]名眘太祖七世孫高宗無子立以爲太子受內禪卽位在位二十七年、

歷史及是与 第二册

高等小學教員用(秋季)

【講聖學】言聖躬雖未有過失而學不可以 不熟講

[修武備] 言非戰無以復讎非守無以制勝

[斥和議之非]言君父之讎不共戴天

[孝宗北伐無功]孝宗自卽位以來銳意圖恢復以將帥非人屢爲金敗、

.宋金再和]彼此爲叔姪之國改詔表爲國書易歲貢爲歲幣、

.誠意正心] 心者一身之主宰也意者心之所之也言意誠心正然後可以應天 下之務、

[弟子甚多] 及門之傳者不下百數十人私淑者亦衆、

[大學] 孔子之言曾子所述為禮記之第四十二篇言大學者以其爲大人之學、

如修身齊家治國平天下皆是也

[論語] 孔子所言弟子記之者也計二十篇、 中庸〕子思所作爲禮記之第三十一篇庸卽平常之意言中庸者以其爲至中 至常之道也

[孟子] 孟子所作計七篇、

四書]即以上孔子曾子子思孟子之書也又稱四子書就中論語孟子原爲羣 經之一大學中庸各爲禮記內之一篇至宋時始合此四者爲四書、

使人人知聖賢之大道〕道猶路也大道猶言大路也朱子欲以孔孟之道德爲

普及教育使人莫不遵此路而行也、

第二十 文天祥

本文 書所學何事而今而後庶幾無愧」 **祥從容就刑衣帶中有贊曰、「孔曰成仁孟曰取義惟其義盡所以仁至讀聖賢** 大敗宋臣陸秀夫資帝投海以殉國大將張世傑收集殘兵仍圖恢復中途颶風 降不聽囚於燕京 宋幼主旋卒其弟帝昺繼位居於厓山華。元兵來攻宋師入宋以宋帝北去宋人立幼主於福州、文天祥起兵勤王不勝為元人所獲勸之 、 是時文天祥仍囚於燕作正氣歌以明志元帝知其終不屈乃殺之天 南宋之季蒙古崛興宋人與蒙古聯合以滅金蒙古旋改國號曰元興師

新歷史 效受法 第二册

五十四

高等小學教員用(秋季)

準備

汝曹識之、 簾者豈有他哉亦愛國而已矣 之曰此像所以能留於吾人目 書中圖(從文信國集臺出)語 寫文天祥三字於黑板隨指 祥 天

文

像

持國家為志雖國亡而志不屈、人不可無志愛國男兄以扶

夫是之謂正氣隨指黑板上所書之文天祥三字示之日當師此人、

教授事項

(甲) 時間分配 本課分二時、

第一時 南宋之季至颶風覆舟死

第二時 是時至庶幾無愧

2 內容提示

於宋人聯蒙古以滅金己亦見滅足為國民不思自強倚賴外人以復仇者

國民之範、 於文天祥之起兵及張世傑之收集殘兵雖無救於滅亡而志氣甚壯足爲

義三者、尤宜力行、俾養成國民之人格、 文天祥之正氣歌及其衣帶中營大義凜然吾人當熟讀之於正氣成仁取

参考

[蒙古]唐爲蒙兀部亦號蒙骨斯居斡難河(黑龍江上流)克魯倫河上游宋時 為遼金所羈國

[宋季蒙古崛興]宋寧宗(孝宗孫)時蒙古酋長鐵木眞漸倂其鄰近諸部 位號成吉斯汗於是降夏攻金威勢大盛、 即帝

宋與蒙古聯合滅金] 宋理宗 (太祖十世孫嗣寧宗卽位) 時蒙古屢伐金遣使

老白火災大台

五十五

高等小政 2.員用(秋季)

州為聯合軍所破金亡、 南之地於宋旣而 來宋請夾攻金宋遣使報謝且約共擊汴京蒙古復遣使來許以事成後歸河 金主奔蔡州(今河南汝寧縣)金將以汴京降蒙古未幾蔡

[蒙古改號元] 宋度宗 (理宗姪) 咸淳七年蒙古主忽必烈 保劉秉忠之詩改國號曰元、 (成吉斯汗孫)從太

.興師入宋] 宋與蒙古聯合滅金後朱幾兵端卽起屢歲被兵迨蒙古改號元攻 伐益急至恭帝(度宗子)德祐二年遂入臨安

[宋帝北去] 元破臨安元將伯顏以恭帝及太后等北去

.宋立幼主於福州] 恭帝旣北去兄益王昰走福州 (今福建閩侯府) 張世傑陸 秀夫等立之是爲端宗立時年十歲故稱幼主、

[文天祥] 吉州吉水 (今江西吉水縣) 人也自為童子時即以聖賢自期許、 **十、舉進士第一、端宗時拜爲右丞相、** 年二

起兵勤王」恭帝時元兵入寇詔天下勤王天祥散家財集兵萬餘人至臨安

【天祥為元人所獲] 天祥督奉恭帝命至元軍請利被執逃還謁端宗於福州轉 戰江淮志圖與復為元將張宏範所執

[囚於燕京] 張宏範勸天祥降不屈送諸燕京繫於獄、

[厓山]在今廣東新會縣南大海中亦日厓門山[帝昺]端宗之弟端宗卒陸秀夫立之年纔八歲

[陸秀夫] 楚州鹽城(今江蘇鹽城縣)人幼時從學於孟先生孟之徒恆百餘獨 指秀夫曰此非凡兒也後登進士第帝昺立與張世傑共秉政外籌軍族、 內調

資帝投海] 厓山為張宏範所破秀夫走帝昺舟度不得走脱乃謂帝曰國事至 辱卽資帝同溺後宮從死者甚衆、 此陛下當為國死德祐皇帝(指恭帝為元人廣之北去)辱已甚陛下 不可再

[張世傑] 范陽(今北京)人以小校起身至統制元兵日迫詔諸將勤王、 多不至

悉已父受ち

五十

高等小學教員川

(颶風)海中大風

世傑殉國]世傑與張 風入作將士勸登岸世傑曰無以為也登柁樓露香祝曰我為趙氏亦已至矣、臣傑殉國]世傑與張宏範戰於厓山軍饑四潰帝昺溺世傑行收兵謀入廣颶 **芯耶風濤愈甚世傑墮水死、** 一君亡又立一君今又亡我未死者庶幾敵退別立君以存祀耳今若此豈天

正氣歌]正氣天地間正大之氣 清夷含和吐叨庭時窮節乃見一一埀丹青 東临淸操勵冰雪或爲出師表、 良錐在漢蘇武節為嚴將軍頭為嵇侍中血為張睢陽齒為顏常山舌或為遼 以立天柱賴以尊三綱實繫命道義爲之根嗟予遣陽九隸也質不力楚囚纓 贼笏逆豎頭破裂是氣所磅礴凜烈萬古存當其貫日月生死安足論地維賴 正氣雜然賦流形下則爲河嶽、 其冠傳車送窮北鼎鑊甘如餄求之不可得陰房闌鬼火春院闕天黑牛驥同 心天祥在 鬼神泣壯烈或為渡江楫慷慨否胡羯或為擊 上則爲日星於人曰浩然沛乎寒蒼冥皇路當 在齊太史簡在晉道狐筆在紊張 中作正氣歌以自表歌云天地

從容就刑〕天祥對元帝言願賜之一死元帝從之臨刑謂吏卒日吾事畢矣南 向拜而死 心悲蒼天曷有極哲人日已遠典型在夙背風簷展書讀古道照顏色 洳場為我安樂國豈有他繆巧陰陽不能賊顧此耿耿在仰視浮雲白悠悠我 一卓雞棲鳳凰食一朝蒙霧露分作溝 中 瘠如此再寒暑百沴自 嵯哉

[孔曰成仁]孔謂孔子也論語子曰有殺身以成仁言當死而死則心安而理得

[孟曰取義] 孟謂孟子也孟子曰生我所欲也義亦我所欲也二者不可得愈舍 生而取義者也言不義而生不如得義而死也

推其義盡所以仁至]惟能盡其理之所當然故能無虧其心德天祥爲宋守國、 國亡身殉乃理所當然也、

共和國所歷史牧受去

五十

第一

高等小學放員用(秋季)

五十七